

# **WISCONSIN**

**Kev Pab Cuam Kho Quav Yeeb Tshuaj**

## **NEEG MOB PHAU NTAWV TUAV NTAWM TES**

**Opioid Treatment Program  
PATIENT REFERENCE HANDBOOK**



Department of Health Services  
Division of Care and Treatment Services  
Bureau of Prevention Treatment and Recovery  
P-23048H (09/2016)

## ZOO SIAB TXAIS TOS

Nrog zoo siab ntawm kev pib thawj kauj ruam mus rau txoj kev kho thiab rov zoo li qub mus sij hawm ntev ntawm koj li kev quav tshuaj!

Nyob rau tam sim no, koj yuav paub tsis tshua meej tias kev kho yuav mus li cas thiab dab tsi yuav cia siab rau. Phau ntawv no tsim tawm los txhawm rau koj thiab koj tus hlub muab lus teb cov lus nug koj muaj ntsig txog kev kho. Thov nco ntsoov tias phau ntawv no yog ib tus cuab yeej siv nrhiav tej yam xav paub ntxiv. Yog koj muaj lus nug tom qab nyeem phau ntawv qhia no tas, thov nco ntsoov nug ib tus neeg ua hauj lwm.

Tej lus hais nyob rau hauv phau ntawv qhia no yuav tsum muab saib ib yam li yog cov lus taw qhia rau cov neeg kho tshuaj muaj yees. Phau ntawv no yog muaj ib txoj kev taw qhia rau lub xeev thiab lub teb chaws tej kev cai uas feem ntau nyuaj rau kev nkag siab. Ntxiv mus, phau ntawv qhia no yuav tsum tsis txhob muab ntaus nqi tias teb tau tas nrho cov lus muaj tseeb, tshwj hauv cov uas muaj xeev los yog lub teb chaws cov cai lij choj.

Thov mus saib qhov chaw kho mob nws li ntiag tug cov cai thiab cov txheej txheem yog koj muaj lus nug dab tsi los yog paub tsis tshua meej cov cai thaum nws hais txog kev muab tshuaj pab kho.

**Kev ua neeg nyob yog qhov kev txaus siab heev... thaum kawg, qee yam ntawm koj kev mob loj tshaj dhau los ua ib lub zog loj tshaj rau koj.**

*Drew Barrymore Zaj Lus Hais Rau Kev Ua Kom Muaj Yeej Txoj Kev Quav Tshuaj (Drew Barrymore Quote for Overcoming Addiction)*

Wisconsin Department of Health Services  
Division of Care and Treatment Services  
Bureau of Prevention Treatment and Recovery  
State Opioid Treatment Authority  
1 West Wilson Street Room 850  
Madison WI 53703

October 2011 Revised September 2016

# OPIOID TREATMENT SERVICE – PATIENT REFERENCE HANDBOOK

## I. LUS TAW QHIA 1

Kev Pub Nyob Kho.....	1
Txiav Ntsig Tau Los Ntawm Kev Muab Tshuaj Pab Kho .....	1
Cov Ntu Ntawm Kev Siv Tshuaj Pab Kho .....	2
Ntu 1: Mob Hnyav / Pib kho - “Pib Qeeb thiab Mus Qeeb” .....	2
Ntu 2: Cov Theem Kho Kom Rov Zoo Li Qub thiab Tuav Tswj.....	3
Ntu 3: Maj Mam Sib Zuj Zus .....	3
Cov Kev Pab Kho.....	4

## II. COV TSHUAJ SIV RAU KEV KHO.....

A. Tshuaj Txiav Yeeb (Methadone).....	5
Qhov Tsis Zoo Tshwm Sim Tau thiab Lwm Cov Kev Tsis Zoo los ntawm Tshuaj Txiav Yeeb.....	5
B. Suboxone .....	6
Qhov Tsis Zoo Tshwm Sim Tau thiab Lwm Cov Kev Tsis Zoo los ntawm Suboxone .....	6
C. Vivitrol .....	7
Qhov Tsis Zoo Tshwm Sim Tau thiab Lwm Cov Kev Tsis Zoo los ntawm Vivitrol.....	7

## III. COV KEV KHO UAS YUAV TSUM TAU UA.....

A. Kev Kho.....	8
B. Txheeb Xyuas Tshuaj Muaj Yees .....	9
C. Tshuaj kho .....	10

## IV. NQA TSHUAJ MUS NOJ TOM TSEV .....

A. Tshuaj Txiav Yeeb (Methadone) thiab Suboxone.....	10
B. Xeev thiab Teb Chaws Cov Cai Hais Kom Txheeb Xyuas Qhov Tso Cai Coj Tshuaj Mus Noj Tom Tsev .....	10
C. Cov Theem ntawm Kev Siv Tshuaj Txiav Yeeb Kho .....	11
D. Cov Theem ntawm Kev Siv Tshuaj Suboxone Kho.....	12
Ntxiv Tshuaj Coj Mus Tom Tsev.....	13
Cov Hwj Qhuav Nqa Tshuaj Mus Tom Tsev .....	13
Chaw Khaws Cov Tshuaj Coj Mus Tom Tsev .....	13
Ua Ploj los sis Muaj Neeg Nyiag Cov Tshuaj Coj Mus Tom Tsev.....	14

## V. POJ NIAM MUAJ ME NYUAM THIAB TSHUAJ TXIAV YEEB (METHADONE).....

Poj Niam Muaj Me Nyuam .....	14
Cov Txiav Ntsig Tau Los ntawm Kev Siv Tshuaj Txiav Yeeb (Methadone) Kho Mob nyob rau ncuaj sij hawm Muaj Me Nyuam.....	14
Me Nyuam Mos Mob Tsis Xav Noj Dab Tsi (Neonatal Abstinence Syndrome).....	15
Kev Kho Me Nyuam Mos Liab .....	15

## VI. KEV KHO TIAV THIAB ROV ZOO LOS LI QUB.....

Kev Saib Xyuas Tom Qab Kev Kho .....	17
--------------------------------------	----

## VII. KEV TSWJ HWM.....

A. Cov Ntawv Sau Txog Neeg Mob Uas Tsis Pub Leej Twg Paub.....	17
B. Neeg Mob Cov Cai .....	18
C. Tsis Muaj Kev Cais Neeg Tsis Raws Cai.....	19
D. Cov Cai Lij Choj, Cov Kev Cai Thiab Kab Ke.....	19
E. Kev Coj Ua Ntawm Tus Kws Pab Sab Laj Tswv Yim.....	19
F. Kev Hloov Mus Rau Lwm Qhov Cov Txheej Txheem.....	19
G. Kev Mus Ncig Teb Chaws.....	19
H. Tsis Koom Kev Sib Tham .....	20
I. Raug Ntes .....	20
J. Pov Thawj rau Kev Rho Tawm ntawm Kev Kho/Tshem Tawm Yam Tsis Raws Siab Yeem.....	21
K. Xeev Siab / Mob.....	21
L. Kev Tswj Tus Mob.....	22
M. Ntawv Yuav Tshuaj .....	22
N. Yuav Ua Mob Tau Rau Daim Siab C/ HIV / AIDS Kev Tshuaj Xyuas.....	23

## VIII. COV LUS KHEEV NUG .....

DAIM NTAWV NTXIV A COV LUS HAIS TXOG NEEG MOB COV CAI .....	28
DAIM NTAWV NTXIV B NKAG MUS SAIB TAU COV NTAWV SAU TSEG KHO MOB* .....	29
PHAB KOS NPE.....	30



# I. LUS TAW QHIA

## Kev Pub Nyob Kho

Qhov kev pab cuam kho quav yeeb tshuaj (opioid treatment program) (txij no mus muab hu tias “chaw kho mob”) muab tshuaj thiab muab tswv yim pab rau tus neeg quav yeeb tshuaj muaj yees, xws li OxyContin, yeeb dawb (heroin), los sis Vicodin Opioid.

Yuav kom tau mus pw hauv ib qhov chaw kho, txhua nqe lus hauv qab no yuav tsum siv tau rau:

1. Koj yuav tsum muaj hnuv nyoog 18 xyoo los sis siab dua saud.
2. Koj yuav tsum muaj raws li cov nqe lus hais txog kev quav yeeb tshuaj uas tau teev rau hauv DSM-5.
3. Koj yuav tsum muaj peev xwm nyiaj tau mob thaum siv tshuaj kho tus mob.
4. Koj yuav tsum yog neeg nyob hauv Wisconsin uas yog muaj pov thawj los ntawm daim duab ID ua los ntawm tseem hwv xeev.
5. Koj yuav tsum nyob li 50 miles deb ntawm qhov chaw kho mob. Yog tias koj nyob lwm lub xeev tab sis deb li 50 miles ntawm Wisconsin qhov chaw kho mob, koj yuav tsum muaj daim duab ID ua tawm hauv tseem hwv xeev uas tseem tsis tau tas sij hawm siv ntawm lub xeev uas koj nyob.

Kev koom hauv kev kho nyob rau ntawm qhov chaw kho yog kev txaus siab ntawm tus kheej. Qhov no txhais tau tias *koj* los sis *qhov chaw kho mob* yuav tsum tsis kho thaum twg los tau. Ib cov neeg nkag siab tias lawv muaj txoj cai los kho mob; tab sis, qhov no nws tsis yog li ntawd. Yuav kom koom tau txuas ntxiv mus, koj yuav tsum ua raws li qhov chaw kho mob cov kev cai thiab cov hauj lwm kom ua. Yog ua tsis tiav li ntawd yuav rho cov tshuaj kho tawm thiab qhov chaw kho mob yuav tsum tsis kho lawm.

Tus nqi kho mob yuav muab piav qhia rau koj thaum lub sij hawm xub kuaj tus mob los sis lub sij hawm xub tuaj sau npe. Yog tsis them nqi rau chaw kho mob yuav ua rau muab cov tshuaj rho tawm thiab yuav tsum tsis kho lawm.

## Txij Ntsig Tau Los Ntawm Kev Muab Tshuaj Pab Kho

- Pom tias ua tau hauj lwm zoo
- Them tau tus nqi rau kev quav tshuaj muaj yees
- Tsis mob heev thaum tab tom kho, siv tshuaj muaj yees tsawg dua
- Muaj kev ruaj ntseg rau yim neeg zoo dua qub
- Muaj peev xwm mus ua hauj lwm, mus kawm ntawv
- Txo qis teeb meem kev ua txhaum cai
- Txoj tej kev yuav siv tshuaj ntau dhau thiab kis tau kab mob
- Poj niam muaj me nyuam muaj lub dag zog zoo dua
- Lub neej tus zam dhau kev siv tshuaj txhaum kev cai
- Muaj kev nyab xeeb tsis raug dab tsi lub sij hawm kho

Ntau tus neeg mob pom tias tom qab li ob lis piam, cov tshuaj kho mob “ua hauj lwm” rau lawv thiab lawv mloog zoo li kuj tsis mob lawm los yog yuav tau siv los sis muaj qhov nqhis yeeb dawb (heroin) los sis lwm yam tshuaj muaj yees heev. Cov neeg quav yeeb tshuaj mloog zoo li lawv tuaj yeem xav tau meej dua qub, thiab nws yog lub sij hawm no uas txoj kev sab laj pab tswv yim yog lub hauv paus tseem ceeb ntawm kev kho. Cov tshuaj kho yog ib tus cuab yeej tau txais txij ntsig zoo tab sis tsuas yog ib feem ntawm txoj kev taug kom mus txog qhov tus neeg mob rov zoo li qub.

## COV NTU NTAWM KEV SIV TSHUAJ PAB KHO

### Ntu 1: Mob Hnyav / Pib kho - “Pib Qeeb thiab Mus Qeeb”

#### Tshuaj Txiaiv Yeeb

Tshuaj txiaiv yeeb muab rau ntawm chaw txiaiv yeeb yog cov uas ua kua. Thaum nyuam qhuav pib siv tshuaj yog muab ib zaug li ntawm 20 thiab 30 milligrams (mg), tsis pub dhau 40 mg nyob rau thawj hnub. Yuav hais kom koj nyob hauv chaw kho mob tom qab muab tshuaj rau koj thawj zaug li 2-4 teev. Lub sij hawm ntawd nws yuav txiaiv txim yog tias xav tau ntxiv 5-10 los mus daws cov tsos mob uas thim tawm mus zuj zus.

Nyob rau ntu sij hawm kho thawj ncu ntawm kev siv tshuaj txiaiv yeeb tswj hwm kev kho mob, koj cov tshuaj noj nyob rau ib zaug yuav muab kho kom haum kom txog rau thaum koj mloog zoo li ib ce xoo ntawm kev mob quav tshuaj thiab tsis nqhis tshuaj muaj yees. Feem ntau, nws siv sij hawm txij li 2 lis piam mus rau 30 hnub kom txog qhov pom ua tau hauj lwm thiab muaj txiaiv ntsig.

Qee leej neeg yuav sawv los es mob nyob rau ntu sij hawm thawj ob peb hnub ntawm kev siv tshuaj txiaiv yeeb kho thiab ua rau ntseeg tias lawv xav tau cov tshuaj kom ntau ntxiv tab sis, qhov tseeb, lub cev xav tau sij hawm ntau ntxiv kom nws swm rau cov tshuaj txiaiv yeeb. (Tshuaj txiaiv yeeb nyob rau hauv cov pav ywj hauv lub cev.) Txawm li cas los xij, yog koj sawv los es mob tom qab thawj lub lis piam uas kho mob thaum uas koj lub cev swm rau cov tshuaj txiaiv yeeb, koj yuav tau nce ntxiv koj cov tshuaj. Nyob rau thawj theem ntawm txoj kev kho no, koj yuav pib koom rau kev pab qhuab qhia saj laj tswv yim koj tus kheej ib leeg thiab koom nrog pab pawg.

Tseem hwmv teb chaws tsab cai lij choj kom muab cov tshuaj txiaiv yeeb rau noj txhua hnub thiab muab kev soj ntsuam xyuas mus li rau los sis xya hnub hauv ib lub lis piam. (Pom zoo nqa tshuaj mus noj hauv tsev rau cov neeg quav tshuaj yog tias qhov chaw kho mob kaw nyob rau cov hnub Sundays los sis hnub so hauj lwm.) Thaum koj nce qib mus zuj zus ntawm kev kho, koj yuav nqa tau tshuaj mus noj tom tsev thiab yuav tuaj ntsib chaw kho mob sib zuj zus. (Saib phab 10-14.)

Nyob rau txhua zaus mus ntsib ua ntej tau txais ib qho tshuaj twg:

1. Yuav xyuas kom yog koj tus kheej uas yog siv koj qhov chaw kho mob daim ntawv qhia tus kheej los sis koj daim ID uas Wisconsin muab.
2. Cov tshuaj yuav muab txij cas ntawd yuav yog qhov chaw kho mob ib tus kws tshuaj ua tus xyuas kom raug cai. Qhov chaw kho mob muaj cov txheej txheem rau cov neeg mob kom ua raws yog nws xav tias yuav tsum tau muab tshuaj ntau ntxiv.
4. Kev siv tshuaj, tshwj cov nqa mus noj hauv tsev, yuav tsum tau nqos rau chaw kho mob ib tus neeg ua hauj lwm ntsia ntsoov.
5. Kom muaj kev nyab xeeb tsis raug dab tsi, cov tshuaj kuj yuav raug muab nqa rov qab, los sis muab cov tshuaj muab rau noj txo qis, yog chaw kho mob cov neeg ua hauj lwm ntseeg tias koj qaug tshuaj los sis tab tom vwm lwm yam tshuaj muaj yees.

## **Suboxone / Vivitrol**

Yog tias koj pib cov Suboxone, koj yuav tau noj thawj zaug raws li tau txiav txim los ntawm tus kws kho mob. Koj yuav tau nyob tos li ob teev kom pom seb koj tiv tau qhov tshuaj mus li cas. Vivitrol yog muab los ntawm kev txhaj tshuaj (hno tshuaj) rau pob tw. Qhov txhaj tshuaj tsuas yog ib hlis ib zaug nkaus xwb.

### **Ntu 2: Cov Theem Kho Kom Rov Zoo Li Qub thiab Tuav Tswj**

Thaum koj nyob tus yees rau koj cov tshuaj thiab tsis siv lub sij hawm ntev rau kev tshem tawm tus mob quav tshuaj lawm, koj yuav tau noj tshuaj txuas ntxiv txhua hnuv nyob rau ntawm qhov chaw kho mob lub sij hawm nyob rau ntu kho kom rov zoo li qub/tuav tswj ntawm kev saib xyuas. Dhau sij hawm mus, thaum koj ua tau raws li qhov chaw kho mob kom ua, hloov kev nyob noj mus rau qhov zoo thiab tsis siv tshuaj txhaum cai (tsis raug cai), koj yuav tau txais kev tso cai nqa tshuaj mus noj tom tsev ntau ntxiv nyob rau ib lub lis piam. Xav paub ntau ntxiv txog koj tshuaj mus noj tom tsev, saib phab 10-14.

Kev qhuab qhia sab laj tswv yim ua koj tus kheej thiab nrog pab pawg, kev tshuaj xyuas lub cev nyob rau ib xyoos thiab “hu rov qab (callbacks)” tseem muaj tshwm sim nyob rau ntu sij hawm kho kom rov zoo li qub/tuav tswj. Hu rov qab (callbacks) yog qhov txheej txheem cia li raug xaiv hu kom rov qab tuaj rau hauv qhov chaw kho mob nrog koj cov tshuaj txiav yeeb nyob hauv cov hwj qub. Qhov chaw kho mob cov neeg ua hauj lwm yuav txheeb xyuas kom ntseeg tau tias txhua hwj tshuaj txiav yeeb thiab cov tshuaj kho muab txheeb tau tas tib si. Yog tias cov hwj ploj lawm los sis cov tshuaj tsis muab siv raws li qhia, tej zaum koj yuav poob cai rau qhov nqa tshuaj mus noj tom tsev.

### **Ntu 3: Maj Mam Sib Zuj Zus**

Txawm hais tias cov kws kho mob feem ntau qhia kom siv sij hawm tsawg kawg li ib xyoos ntawm kev siv tshuaj pab kho neeg quav tshuaj, cov neeg kho quav tshuaj kuj yuav pib tau maj mam sib zuj zus lawv li kev noj tshuaj txiav yeeb methadone los sis Suboxone nyob rau txhua lub sij hawm. Qhov maj mam sib zuj zus mus yuav siv ntaus lub lis piam, tab sis qhov zoo mas yuav tsum yog hli, vim tias cov sij hawm maj mam sib zuj zus mus qeeb dua, nrog rau lub sij hawm nruv ntev nrog kev maj mam noj tshuaj kho quav tshuaj muaj yees pom tias muab kev yooj yim khab seeb dua li mus ceev.

Kev tshem cov kuab tshuaj muaj yees tawm yuav tshwm sim thaum koj tseg tsis haus tshuaj txiav yeeb. Thaum haus tshuaj txiav yeeb sib thiab qeeb zuj zus, cov kuab tshuaj muaj yees yuav tshuav tsawg. Tej zaum koj tus kws kho mob yuav ua ntawv kom noj lwm yam tshuaj kho uas siv sij hawm luv uas tuaj yeem pab kom cov kuab tshuaj muaj yees tshuav tsawg dua.

Cov yam ntxwv ntawm cov neeg uas npaj ua tau qhov kev pib maj mam sib zuj zus:

- Tau cog lus rau cov txheej txheem kho kom rov zoo li qub thiab tsis haus tshuaj muaj yees thiab tsis qaug cawv nyob rau niaj hnuv.
- Tso tseg qhov siv dej caw thiab lwm yam tshuaj muaj yees.
- Muaj kev ruaj ntseg nyob hauv tsev thiab yim neeg nrog rau kev khwv nyiaj txiag.
- Ua pom txog keeb kwm siv sij hawm ntev ua tau raws li qhov kev pab cuam kev siv tshuaj txiav yeeb kho mob tej ntawv cog lus.
- Muaj ib tus kws sab laj tswv yim (counselor) rau kev haus tshuaj txiav yeeb kho mob uas pom zoo nrog lub sij hawm thiab kev npaj tau rau qhov kev maj mam sib zuj zus.
- Tau cog lus rov qab tuaj tuav tswj kev haus tshuaj txiav yeeb kho mob yog thaum ho rov ua li qub.

Nws yog ib lo lus qhia tawv qhawv tias cov neeg uas xav tsum tsis siv tshuaj kho mob quav tshuaj kom mus ntsib nrog cov kws kho mob hauv chaw kho mob los mus sib tham txog qhov maj mam siv tshuaj sib zuj zus uas muaj tus tswj hwm.

### Cov Kev Pab Kho

Thaum koj yog ib tus neeg mob nyob hauv qhov chaw kho mob, yuav muab cov kev pab kho mob raws li hauv qab no:

1. Cob qhia paub txog txhua feem ntawm qhov kev pab kho.
2. Ua ib qho kev tshuaj ntsuas kom ntxaws (comprehensive assessment) txog koj li kev mob nkeeg siv tshuaj, laj lim plab plaw, kev nyob nrog neeg, kev kawm ntawm, kev ua raug cai thiab kev ua hauj lwm seb nyob li cas thaum koj xub tuaj sau npe thiab ua mus ntxiv tsis so thoob plaws lub caij koj nyob rau kev kho.
3. Ua koj tus kheej ib daim phiaj xwm tswv yim kho koj tus mob (treatment plan) uas yuav tau hloov kho thiab sau ntxiv los ntawm koj thiab koj tus kws sab laj tswv yim raws li qhov nce qib mus zuj zus ntawm txoj kev kho.
4. Ua ib qho kev tshuaj ntsuas txog kev kho tus mob thaum pub nyob kho (admission) thiab ntxiv tej yam tshiab rau txhua xyoo tom qab ntawd.
5. Ua ib qho kev tshuaj ntsuas txog tus kheej lub neej/laj lim tswv yim/kev nyob nrog neeg (bio/psycho/social assessment) thaum pub nyob kho (admission) thiab ntxiv tej yam tshiab rau txhua xyoo.
6. Muaj kev qhia pab tswv yim ua ib leeg kheej thiab/los yog nrog pab pawg uas yuav muab xyuas seb yuav ua li cas thaum tsim daim phiaj xwm tswv yim kho tus mob (treatment plan).

Txheej Txheem/ Qhov Ua Kom Tau	Thaum Pub Nyob Kho	3 Hlis	6 Hlis	9 Hlis	1 Xyoo	Txhua Xyoo
Ntsuas zis*	X	X	X	X	X	X
Ntsuas Mob/Lub Cev	X				X	X
Daim Phiaj Xwm Tswv Yim Kho Mob**	X	X	X	X	X	X
Ntsuas Lub Neej/Laj Lim Tswv Yim/Kev Nyob Nrog Neeg (Bio/Psycho/Social)	X				X	X
Qib Ntshav Dawb***		X	X			X

\*Raws li tseem hww xeev kom ua thiab ua raws li kev hloov pauv; kev tshuaj xyuas zis tuab dua thiab ntau dua yuav ua raws cov txiaj ntsig tau los ua ntej (prior results).

\*\*Pauv kom haum raws li qhov xav tau raws li ncuaj sij hawm nteev ntawm qhov nyob rau kev kho.

\*\*\*Saib rau phab 10.



## II. COV TSHUAJ SIV RAU KEV KHO

### A. Tshuaj Txiav Yeeb (Methadone)

Ua raws li ib tus kws kho mob li kev tswj, tshuaj txiav yeeb yog muab noj ntawm ncauj mus txhua hnuv nrog rau ib cov siv tshuaj thiab kev qhia nruj heev. Siv ib zaug ib hnuv, tshuaj txiav yeeb yuav tswj cov kuab tshuaj muaj yees kom tawm nyob rau 24 mus rau 36 teev. Vim tias tshuaj txiav yeeb ua tau hauj lwm hauv kev lawb cov kuab tshuaj muaj yees kom tawm, nws tau raug muab siv hauv kev tshem tawm kuab tshuaj muaj yees. Txawm li cas los nws tsuas yog **siv tau rau hauv kev kho cov quav tshuaj heroin, tshuaj loog (morphine) thiab lwm yam tshuaj muaj yees nkaus xwb**, thiab nws tsis yog hom tshuaj ua hauj lwm rau kev kho cov quav tshuaj muaj yees lwm yam.

Tshuaj txiav yeeb tsis muaj kev puas tsuaj rau cov hlab ntsha hauv cov hlwb li cas. Nws tsis muaj cov kuab tshuaj tsis zoo rau kev ua hauj lwm ntawm cov hlwb, kev muaj lub tswv yim zoo, los sis kev mus ua hauj lwm. Nws tsis ua rau ntxhov siab los sis qaug, nws tsis txo rab peev xwm kev ua dej num nyob rau niaj hnuv, xws li tsav tshem loj los sis siv tshuab ua hauj lwm. Cov neeg mob tuaj yeem yuav mloog tau zoo li mob thiab zoo li mob nthw tuaj. Tshuaj txiav yeeb txo qis kev nqhis xav rov haus heroin thiab txwv tau heroin zoo heev, tab sis nws tsis muab qhov ua kom zoo siab sai sai. Yog li ntawv, cov neeg haus tshuaj txiav yeeb tsis muaj qhov siab thiab qis uas tshwm sim los ntawm kev quav tshuaj heroin qib siab kawg thiab qis kawg hauv cov qib ntawm cov ntshav.

### Qhov Tsis Zoo Tshwm Sim Tau thiab Lwm Cov Kev Tsis Zoo los ntawm Tshuaj Txiav Yeeb

1. CEEV FAJ: Tshuaj txiav yeeb tuaj yeem ua rau tuag tau yog tias muab haus ntau dhau LOS SIS yog tias siv rau lwm yam tshuaj muaj yees, xws li cawv, Xanax® los sis Valium®, muab sib xyaws rau tshuaj txiav yeeb. Tas nrho yog tshuaj tswj cov hlab ntsha, thiab vim tias tshuaj txiav yeeb muaj zog mus ntev, kev cov nyom yuav tshwm tau ntev mus tom qab tau haus cov tshuaj txiav yeeb. **Yog tias koj noj lwm yam tshuaj, nrog rau tej tshuaj ntsuab (natural supplements), nws yog ib qho tseem ceeb uas koj qhia tej no rau tus kws muab tshuaj nyob hauv qhov chaw kho mob paub thaum koj pib kho mob.**
2. Kev tshem tawm kuab tshuaj muaj yees sai tam sid ntawm tshuaj txiav yeeb yuav ua rau muaj yam tsis zoo tshwm sim, piv txwv li tawm hws, tsis zoo saib, thiab meem txom nyob tsis zoo.
3. Ntawm kev siv tshuaj kho mob, tshuaj txiav yeeb tsis muaj qhov ua rau mob lwm yam hnyav, txawm hais tias qee tus neeg mob yuav muaj tsos mob me tshwm sim. Feem ntau cov kheev tshwm sim yog:
  - Cem quav – tshuaj yaug plab xws li Metamucil, kuj yuav pab tau.
  - Tawm hws ntau.

### Lwm yam tsis zoo tshwm sim kuj yuav muaj xws li

- Pw tsis tsaug zog los sis pw tsim ntxov
- Txo kev xav sib deev los sis teeb meem kev sib deev xws li tsis muaj zog los sis phev tawm ua ntej
- Poj niam coj khaub ncaws tsis xwm yeem
- Xeev siab, ntuav thiab mob plab –noj mov ua ntej haus tshuaj yuav pab tau cov kev tshwm sim li no
- Lub cev hnyav dua qub
- Tsis xav noj dab tsi
- Qhov ncauj qhuav
- Ntshav nce qis

- Ua pob rau tej tawv nqaij thiab khaus
- Kev ceev dej tseg –haus dej los sis lwm yam ua kua yuav pab txo qis kev ceev dej tseg
- Qaug tshuaj uas yog haus tshuaj txiav yeeb ntau - haus ib qho tshuaj txiav yeeb kom haum thiab kom ruaj khov los sis tiv taus dua tuaj, cov tsos mob tshwm sim no feem ntau maj mam ntaug zuj zus
- Muaj qhov tsis zoo nyob rau hauv, zoo ib yam li lwm yam tshuaj tsis hais hom twg

Yog xav thov kom muab ntau ntxiv los sis txo qis cov tshuaj txiav yeeb yuav tsum tham nrog koj tus kws pab sab laj tswv yim. Qhov koj thov yuav muab tshuaj xyuas los ntawm tus neeg ua hauj lwm kho mob rau qhov pom zoo los sis tsis pom zoo. Nws yog ib qho tseem ceeb rau lawv paub muaj dab tsi hauv lub cev (physical), kev xav laj lim tswv yim (psychological), los sis kev nraug zoo cuam tshuam nrog lwm tus thiaj ua rau koj thov li no.

## **B. Suboxone**

Suboxone yog lub npe cim lag luam ntawm ib yam tshuaj kho mob uas muaj cov tshuaj buprenorphine thiab naloxone nyob hauv. Thaum muaj siv tau yog los ntawm ib tus kws kho mob uas sau daim ntawv siv tshuaj kho mob, Suboxone yuav rhuav tshem cov kuab heroin hauv lub cev tiag los sis yam tshuaj ua los ntawm yeeb hauv cov neeg quav cov kuab tshuaj no. Nws yuav muab noj tau ib lub ib hnuv thiab, zoo ib yam li tshuaj txiav yeeb, uas yuav nres qhov pheej xav haus ntxiv thiab tshem tawm cov kuab tshuaj muaj los ntawm kev quav tshuaj heroin/tshuaj ua los ntawm yeeb.

### **Qhov Tsis Zoo Tshwm Sim Tau thiab Lwm Cov Kev Tsis Zoo los ntawm Suboxone**

Qhia rau koj tus kws kho mob yog tias muaj cov tsos mob no tshwm sim hnyav tuaj los sis tsis ploj li:

1. Mob taub hau
2. Mob plab heev
3. Cem quav
4. Ntuav
5. Ua rau nyuaj pw tsis tsaug zog los sis ncaws dab ntub
6. Tawm hws

### **Tej Zaum Yuav Tsis Muaj tab sis Muaj Mob Lwm Yam Hnyav Tshwm Sim – Qhia Rau Koj Tus Kws Kho Mob Paub Tam Sid**

1. Tawm pob liab rau tej tawv nqaij
2. Tawv nqaij xoo pob
3. Txob ib ce (khaus)
4. Ua pa los sis nqos qaub ncaug nyuaj
5. Ua pa qeeb
6. Mob plab
7. Qaug zog heev
8. Los ntshav hlob los sis doog/xiav/ntsuab
9. Tsis muaj zog
10. Tsis qab los noj mov
11. Mob rau sab xis saum toj ntawm lub plab
12. Tawv nqaij los sis qhov muag muaj tsos daj
13. Muaj zoo li khaub thuas cov tsos mob tshwm sim
14. Hlwb/kev xav hloov pauv (xws li ntxhov siab, tsis paub tog twg, ua zeem muag pom)

15. Mob plab/mob plab mog

### **Lwm Yam Uas Pom Tshwm Tsawg**

1. Ua Mob Rau Daim Siab
2. Ua Rau Siv Tshuaj Tsis Haum –tawm pob, txob/nqaij o tshwj xeeb mas yog lub ntsej muag/nplaig/caj pas, kiv taub hau heev los sis ua pa nyuaj (**nrhiav kws tshuaj sai sai**)
3. Tshem tawm kuab tshuaj yog tias koj siv nws sai tom qab siv tshuaj muaj yees, xws li yeeb dawb (heroin), tshuaj loog (morphine) los sis tshuaj txiav yeeb, LOS SIS yog tias koj tau tsum tam sid tsis noj cov tshuaj no

### **C. Vivitrol**

Vivitrol yog ib hom tshuaj muaj kuab tshuaj naltrexone nyob hauv uas muab txhaj ncaj qha rau ib hlis ib zaug rau cov neeg mob uas quav cawv los sis lwm yam tshuaj los ntawm yaj yeeb. Vivitrol tseem siv rau txoj kev tiv thaiv ntawm kev rov qab nyob rau kev tiv yeeb tshuaj tom qab tseg tsis siv lawm.

### **Qhov Tsis Zoo Tshwm Sim Tau thiab Lwm Cov Kev Tsis Zoo los ntawm Vivitrol**

1. Xeev siab
2. Ntuav
3. Raws plab
4. Mob plab
5. Tsis qab los noj mov
6. Qhuav qhov ncauj
7. Mob taub hau
8. Ua rau pw nyuaj tsis tsaug zog los sis ncaws dab ntub
9. Kiv taub hau
10. Qaug zog
11. Ntxhov siab
12. Mob pob qij txha los sis yas tes yas taw
13. Thooj nqaij ntswj
14. Ib ce muag
15. Mob ib ce, nqaij liab, doog/xiav/ntsuab, los sis khaus rau ntawm qhov chaw txhaj tshuaj

### **Tej Zaum Yuav Tsis Muaj tab sis Muaj Mob Lwm Yam Hnyav Tshwm Sim – Qhia Rau Koj Tus Kws Kho Mob Paub Tam Sid**

1. Mob, nqaij tawv, nqaij o, xoo pob, sawv hlwv, lub qhov mob rua los sis muaj kiav txhab ntawm chaw txhaj tshuaj
2. Hnoos
3. Hawb pob
4. Ua pa tsis txaus
5. Tawm pob liab ntawm tawv nqaij
6. Xoo pob
7. O rau ntawm qhov muag, lub ntsej muag, qhov ncauj, de ncauj, nplaig los sis caj pas
8. Txhaws suab
9. Nqos qaub ncaug nyuaj
10. Mob hauv siab
11. Qaug zog heev
12. Los ntshav hlob los sis doog/xiav/ntsuab

13. Mob rau sab xis saum toj ntawm koj lub plab uas noj sij hawm ntau dua ob peb hnuv
14. Cov quav muaj tsos ci
15. Zis muaj tsos daj
16. Tawv nqaij los sis qhov muag muaj tsos daj

### III. COV KEV KHO UAS YUAV TSUM TAU UA

#### A. Kev Kho

##### **Kev Qhia Pab Tswv Yim Ib Leeg Kheej thiab Nrog Pab Pawg**

Kev qhia pab tswv yim ib leeg kheej thiab nrog pab pawg yuav yog ib feem ntawm koj li kev kho mob. Tom qab pub koj nyob kho rau hauv qhov chaw kho mob lawm, yuav muab koj tso rau ib tus kws pab sab laj tswv yim uas nws yuav ntsib nrog koj ntau zaub thiab yuav ua hauj lwm nrog koj rau ntawm koj lub hom phiaj kho mob. Koj tus kws pab sab laj tswv yim yuav muab tswv yim ntawm koj nrog sau ib daim phiaj xwm tswv yim kho mob, uas teev mee cov hom phiaj thiab cov hauj lwm rau qhov kev kho thiab yuav ua li cas thiaj li ua tiav cov hauj lwm uas tau teev tseg ntawd. Qhov ua raws nraim li daim phiaj xwm tswv yim yog ib qhov tseem ceeb rau cov txiaj ntsig tau txais mus rau qhov kho tus kheej rov zoo li qub. Koj cov hom phiaj kho mob kuj yuav tau pauv raws lub sij hawm, tab sis koj yeej tsuas yog ua kom maj mam sib mus zuj zus tawm ntawm cov tshuaj txiaj yeeb, Suboxone los sis Vivitrol thiab txuas ntxiv kho kom zoo li qub nyob rau sab nraud ntawm qhov chaw kho mob.

Koj li kev muaj yeej ntawm kev kho mob yog nyob ntawm koj muaj rab peev xwm los ua hauj lwm hauv qhov kev qhia pab tswv yim thiab koom tes rau cov hauj lwm teeb tsa hauv qhov chaw kho mob. Nws yog koj lub luag hauj lwm los mus ceev ua kom tau tas nrho cov caij nyoog tau teem cia, xws li noj tshuaj, mus koom cov kev qhia pab tswv yim, mus koom cov rooj sib tham hais txog kev mob thiab kev kho. Yog koj ua tsis tau raws li cov kev teem caij yuav ua rau rov qab ntsuas txog koj rab peev xwm nyob tau rau hauv qhov kev kho ntxiv mus. **Nco ntsoov tias qhov ua tsis tau ntxiv zuj zus raws li cov lus qhia ntawm qhov chaw kho mob yuav ua rau raug tshem tawm hauv qhov chaw kho mob mus.**

##### **Kev Pab Tswv Yim Kho Tus Mob Nyuaj Siab Mob Hlwb**

Yog koj muaj mob nyuaj siab mob hlwb, nws yog ib qhov tseem ceeb tias koj nrhiav kev kho rau qhov teeb meem ntawd mus tsis txhob tso tseg. Yog koj twb ntsib ib tug kws pab tswv yim thiab/los yog kws pab kho laj lim plab plaw txog kev mob nyuaj siab mob hlwb lawm, kav tsij mus ntsib lawv kho tus mob ntxiv mus. Nws yog ib qhov tseem ceeb tias koj tus kws pab tswv yim nyob rau ntawm qhov chaw kho mob ua hauj lwm ua ke nrog koj cov kws kho mob nyuaj siab mob hlwb. Cov tshuaj uas koj yuav tau noj, tshwj xeeb yog cov rau kev mob nyuaj siab, tej zaum kuj yuav muaj teeb meem rau koj lub cev txog qhov nws ua hauj lwm rau cov tshuaj txiaj yeeb (methadone), Suboxone los yog Vivitrol thiab muaj ib txhia kuj ua rau tuag taus.

Yog tias tam sim no koj tsis tau txais kev kho mob nyuaj siab mob hlwb, koj tus kws pab tswv yim yuav ua ntawv xa koj mus rau ib tug kws paub txog kev nyuaj siab mob hlwb uas paub zoo txog kev kho tus mob. Ib cov chaw kho mob kuj muaj cov kws paub zoo txog kev nyuaj siab mob hlwb ua hauj lwm nyob ntawd, yog li tej zaum kuj cia li xa koj mus rau tus neeg ntawd hauv qhov chaw kho mob ntawd xwb.

## **B. Txheeb Xyuas Tshuaj Muaj Yees**

### **Kuaj Seb Muaj los sis Tsis Muaj Tshuaj Muaj Yees**

Kuaj tshuaj muaj yees qee zaum muab hu hais tias ntsuas zis (urinalyses, UAs) los sis kuaj xyuas tshuaj muaj yees hauv cov zis (urine drug screens, UDS's) yog muab siv los kuaj ua pov thawj rau ob yam tshuaj muaj yees raug cai lij choj (raws cai) thiab tsis raug cai lij choj (txhaum cai) nyob rau hauv koj lub cev. Qhov kev kuaj kheev yog muab cov zis uas koj muab los coj mus kuaj; txawm li cas los xij, qee qhov chaw kho mob yuav siv lwm yam, xws li plaub hau los sis rau tes, los kuaj tshuaj muaj yees.

UDS's yog qhov txhua tus neeg mob yuav tsum tau ua thiab yuav muaj mus ntxiv yam tsis tas xaiv leej twg nyob rau nua sij hawm koj nyob hauv kev kho. Qhov ua piv txwv, kev kuaj yuav tshwm sim thaum rov qab mus rau hauv qhov chaw kho mob tom qab tau tso cai nqa tshuaj mus noj tom tsev, thaum tsis mus ntsib raws li cov sij hawm tau teem tseg, thiab thaum muaj koj lub npe nyob rau ntawm cov npe cov neeg uas yuav tau kuaj. Txawm li cas los xij, kev kuaj tshuaj muaj yees kuj yuav ua txhua hnuv raws li cov neeg ua hauj lwm hauv chaw kho mob kom ua los muaj. Yog muab tsis tau cov zis thaum uas tau hais yuav ua rau "tsis muaj peev xwm" muab ib qhov zis thiab **yuav muaj teeb meem tshwm sim ib yam nkaus li kuaj tau muaj tshuaj muaj yees txhaum cai.** Thiab, yog tseem muab tsis tau zis coj los ua piv txwv txog peb zaug sib law yuav ua rau koj nqa tsis tau tshuaj mus noj tom tsev thiab yuav ua rau rov qab pib dua cov theem xub thawj ntawm koj daim phiaj xwm tswv yim kho tus mob.

Kev kuaj yuav raug tsum kwm saib ntsoov los ntawm cov neeg ua hauj lwm los sis los ntawm kev siv koob yees duab uas tsis muab kaw cia uas yog tsum kwm saib ntsoov los ntawm cov neeg ua hauj lwm. Kev nyiag muab cov zis tsis yog tej zaum yuav ua rau poob cai coj tshuaj mus noj hauv tsev thiab tej zaum ua rau raug rho tawm ntawm chaw kho mob mus.

### **Kuaj Cawv Hauv Lub Cev**

**CHAW KHO MOB TSI MUAJ QHOV ZAM RAU KEV SIV CAWV NROG TSHUAJ TXIAV YEEB/SUBOXONE/VIVITROL HAUV KEV TUA V TSWJ.** Xyaw cawv los sis lwm yam tshuaj tswj neeg cov hlab ntsha (CNS) nrog tshuaj txiav yeeb yog ib qho txaus ntshai heev thiab muaj feem ua rau tuag tau. Yog tias koj qaug cawv ua ntej kaw, koj yuav tsis tau txais koj li tshuaj haus nyob rau lub sij hawm ntawd. Koj yuav tau nyob hauv qhov chaw kho mob kom tau tham nrog koj tus kws pab sab laj tswv yim thiab rov tuaj rau hauv qhov chaw kho mob hnuv tom ntej kom tau rov pib koj li kev siv tshuaj pab kho mob dua.

Thaum nyob hauv kev kho, yog paub tseem tsawv tias muaj ib tus neeg mob nyob rau sij hawm tab tom qaug cawv LOS SIS muaj yam teeb meem cuam tshuam txog kev siv cawv yuav tau kom kuaj cov cawv nyob hauv lub cev ua ntej siv tshuaj txiav yeeb, Suboxone los sis Vivitrol.

### **Cov Txiaj Ntsig Tau Los Ntawm Kev Kuaj Tshuaj Muaj Yees Hauv Cov Zis**

Cov txiaj ntsig tau los ntawm kev kuaj yuav siv sij hawm ntev txog 10-14 hnuv; tom qab muab cov txiaj ntsig tau los tshuaj xyuas tas, koj tus kws pab sab laj tswv yim yuav muab los tham nrog koj. Cov txiaj ntsig ta los yuav raug muab siv ua ib txoj kev taw qhia mus tshuaj xyuas thiab kho daim phiaj xwm tswv yim kho mob raws li qhov xav tau.

Yog tias cov txiaj ntsig tau los qhia pom tias muaj cov kuab tshuaj txhaum cai LOS SIS tsis muaj tshuaj txiav yeeb, Suboxone los sis Vivitrol, chaw kho mob yuav kom koj tuaj rau hauv chaw kho mob tuab ntxiv thiab yuav tsum tsis pub nqa tshuaj mus noj tom tsev lawm.

Muaj ib txhia, ib yam tshuaj uas ua rau kev kuaj pom tshwm hauv cov txiaj ntsig tau los tej zaum kuj yog los ntawm ib tus kws kho mob ua ntawv kom siv. **Cov tshuaj no yuav tsis raug lees paub tias yog ib qho siv tau tshwj tias ntshe cov tshuaj tau txais lust so cai los ntawm qhov chaw kho mob ib tus kws kho mob los yog los sis ib tus ua hauj lwm kho mob ua ntej siv qhov tshuaj no xwb.**

### **Qib Ntshav Dawb/Ntshav**

Wisconsin txoj cai xav kom chaw kho mob txiaj txim tus neeg mob li tshuaj txiaj yeeb nyob hauv cov kua faj siv daj los sis ntshav dawb seb nyob rau qib twg (hu ua siab kawg thiab qis kawg) ntawm lub sij hawm sib nrug lub caij koj nyob hauv kev kho (saib phab 4). Txhua qhov chaw kho mob tau raug hais kom tsim muaj cov qib ntawm tshuaj txiaj yeeb rau txhua tus neeg mob uas lawv kho. Cov ntaub ntawv no yog qhov tseem ceeb rau chaw kho mob cov kws kho mob li kev txiaj txim muab tshuaj haum rau koj tshaj plaws.

### **C. Tshuaj kho**

Tshuaj txiaj yeeb (methadone), Suboxone thiab Vivitrol yog peb yam tshuaj uas siv muaj txiaj ntsig pab rau cov neeg mob kom yeej nws txoj kev nqhis yeeb dawb (heroin) loss is tshuaj muaj yees los ntawm yaj yeeb. Coj kom ruaj khov rau txoj kev cai siv tshuaj kho yog ib qho tseem ceeb heev rau kev muaj yeej thum tshuaj muaj yees thiab dhau mus rau qhov rov zoo li qub. Kev siv tshuaj kho tsis txhais tau tias yog ib tus cuab yeej siv mus tas lub neej thiab qhov tseeb, nws yog qhov kev cia siab tias koj yuav muaj rab peev xwm tsum tsis siv tshuaj kho thiab txuas ntxiv mus tswj kom tsis qaug cawv thiab rov zoo li qub. Lub sij ntev ntawm kev kho mob yog kwv yees li 2-4 xyoos, txawm li cas los, koj thiab koj tus kws pab sab laj tswv yim yuav ua hauj lwm txuas ntxiv must sis so rau txoj kev tuav tswj kom rov zoo li qub uas tsis tas siv tshuaj pab.

## **IV. NQA TSHUAJ MUS NOJ TOM TSEV**

### **A. Tshuaj Txiaj Yeeb (Methadone) thiab Suboxone**

Raws qhov nce qib zoo zuj zus ntawm koj kev kho mob, cov kev tuaj ntsib kuj yuav muab txo qis thiab kev muab tshuaj mus noj hauv tsev kuj yuav nce tuaj. **Thov nco tseg tias qhov no tsis yog quab yuam los sis muaj cai; nws yog cai ntiag tug.** Lub “Xeev thiab Teb Chaws Cov Cai Hais Kom Txheeb Xyuas Qhov Tso Cai Coj Tshuaj Mus Noj Tom Tsev” thiab cov nqe hais txog kev kho teev hauv qab no yuav pab koj nkag siab tias muaj dab tsi yuav tau tshwm sim xwv kom koj muaj txoj cai ntiag tug coj tshuaj mus noj tom tsev.

### **B. Xeev thiab Teb Chaws Cov Cai Hais Kom Txheeb Xyuas Qhov Tso Cai Coj Tshuaj Mus Noj Tom Tsev**

Hauv kev txiaj txim tias tus neeg mob twg tau txais kev tso cai siv tshuaj ib leeg tsis muaj tus saib hauv qhov coj tshuaj mus noj tom tsev, tus thawj kws kho mob yuav tau txiaj txim raws li cov nqe lus hauv qab no rau coj tshuaj mus noj tom tsev seb ib tus neeg mob puas yuav ua tau lub luag hauj lwm siv tshuaj muaj yees tsis muaj tus saib xyuas. Raws li Tseem Hwv Txoj Cai 42CFR, Tshooj 1, Phab 8, §8.12, nws hais tias:

Cov chaw kho mob yuav tsum tau txiaj txim, ntawm qhov tsawg kawg, cov nqe lus hauv qab no hauv kev txiaj txim cia tus neeg mob muaj cai “coj tshuaj mus noj tom

tsev” ntau ntxiv:

1. Tsis siv tshuaj muaj yees sai los no (opioid los sis tsis yog tshuaj muaj yees), nrog rau cawv;
2. Tuaj rau hauv qhov chaw kho mob tsis tu ncuaj;
3. Tsis muaj teeb meem hnyav txog kev coj tus cwj pwm tswj tus kheej hauv qhov chaw kho mob (qhov no yuav tsum tau sau cia hauv tus neeg mob cov ntaub ntawv);
4. Tsis muaj npe koom nrog ua yam txhaum cai tsis ntev los no (xws li ua luam tshuaj muaj yees, ua tub sab, ua txhaum tej cov txim me ntau zaus/tsis tu ncuaj);
5. Muaj kev ruaj ntseg ntawm tus neeg mob ib puag ncig lub tsev thiab kev sib raug zoo nrog lwm tus;
6. Lub caij nyoog ntev hauv kev tuav tswj kho mob uas muaj txiaj ntsig;
7. Ntseeg tau tias cov tshuaj coj mus noj tom tsev yuav muab cia rau hauv tus neeg mob lub tsev tsis muaj leej twg muab tau; thiab
8. Txawm hais tias kev kho kom rov zoo li qub muaj txiaj ntsig pab tau tus neeg mob txo tsawg qhov mus cuag chaw kho mob tsis npaum li qhov rov qab muaj teeb meem dua.

Ib qho ntxiv, cov cai hauv qab no siv rau coj tshuaj mus noj tom tsev:

1. **Coj tshuaj mus noj tom tsev dhau ntawm hnuv Sundays los sis cov hnuv so yuav tsis tau txais kev tso cai nyob rau ncuaj sij hawm thawj 90 hnuv ntawm kev kho mob siv tshuaj txiaj yeeb (methadone) thiab ncuaj sij hawm thawj 30 hnuv ntawm kev kho rau cov neeg mob Suboxone.** Koj yuav tau tuaj hauv chaw kho mob txhua hnuv, tshwj cov hnuv Sundays los sis cov hnuv so, nyob rau ncuaj sij hawm no. Tsis muaj kev zam rau leej twg.
2. Coj tshuaj mus noj tom tsev yuav tsis muab yog tias koj siv tshuaj muaj yees txhaum kev cai txuas ntxiv mus thiab tsis muaj qhov qhia pom kev nce qib hauv kev kho mob. Qhov no kuj yuav ua rau muab koj xa mus rau lwm qhov kev kho uas koj nruj dua qub.
3. Coj tshuaj mus noj tom tsev tsuas yog muab rau thaum paub meej tias koj muaj kev ruaj ntseg rau txhua qhov kom ua ntawm kev kho mob, nrog rau kev ceev hauj lwm teem caij ntsib, xws li kev sib ntsib sib tham pab tswv yim ib leeg los yog pab pawg neeg coob thiab cov kev tshuaj xyuas lub cev txhua ib xyoos.

### C. Cov Theem ntawm Kev Siv Tshuaj Txiaj Yeeb Kho

- Theem 1: **Thawj 90 Hnuv (0-90 hnuv) ntawm kev kho:** ntau kawg noj ib zaug ib leeg tsis muaj tus saib nyob rau ib lis piam. Qhov no feem ntau yuav yog noj rau hnuv Sunday. Yog tias qhov chaw kho mob qheb rau hnuv Sunday, dhau ntawd yuav yog cov neeg ua hauj lwm hauv chaw kho mob ua tus xaiv.
- Theem 2: **Thib ob ntawm 90 Hnuv (91-180 hnuv) ntawm kev kho:** ntau kawg noj ob zaug ib leeg tsis muaj tus saib nyob rau ib lis piam suav nrog qhov noj hnuv Sunday. Kev noj tshuaj ib leeg ob zaug tsis muaj tus saib yuav tsum tsis siv sib txuas zws mus. Yog tias qhov chaw kho mob qheb rau hnuv Sunday, ces thaum ntawv qhov lwm hnuv tsis sib txuas zws yuav tsum yuav yog cov neeg tswj hwm qhov chaw kho mob ua tus xaiv.
- Theem 3: **Thib peb ntawm 90 Hnuv (181-270 hnuv) ntawm kev kho:** ntau kawg noj peb zaug ib leeg tsis muaj tus saib nyob rau ib lis piam suav nrog qhov noj hnuv Sunday. Kev noj tshuaj ib leeg peb zaug tsis muaj tus saib yuav tsum tsis siv sib txuas zws mus. Yog tias qhov chaw kho mob qheb rau hnuv Sunday, ces thaum ntawv qhov

lwm hnuv tsis sib txuas tsum yuav yog cov neeg tswj hwm qhov chaw kho mob ua tus xaiv.

Theem 4: **Thib plaub ntawm 90 Hnuv (271-365 hnuv) ntawm kev kho:** ntau kawg noj plaub zaug ib leeg tsis muaj tus saib nyob rau ib lis piam suav nrog qhov noj hnuv Sunday. Yog tias chaw kho mob qhib rau hnuv Sunday, ces thaum ntawv ib hnuv tom ntej siv tau yuav yog cov neeg tswj hwm qhov chaw kho mob ua tus xaiv.

Theem 5: **Ib Xyoos ntawm Kev Kho Mob Tsis Tu Ncuva (366+hnuv) ntawm kev kho:** ntau kawg noj 6 zaug ib leeg tsis muaj tus saib hauv ib lis piam.

Theem 6: **Ob Xyoos ntawm Kev Kho Mob Tsis Tu Ncuva:** Ntau kawg noj 13 zaug ib leeg tsis muaj tus saib hauv txhua ob lub lis piam.

**Kev Yoo Zaub Mov:** Tsis muaj nqos tshuaj txiav yeeb tab sis muaj kev sib ntsib sib tham pab tswv yim tsis tu ncuva nrog rau kuaj yeeb tshuaj uas tsis xaiv neeg (random). Cov neeg mob koom nrog phiaj xwm kev npaj rau tom qab kev kho mob.

#### **D. Cov Theem ntawm Kev Siv Tshuaj Suboxone Kho**

Theem 1: **Thawj 30 (1-30 hnuv) ntawm kev kho:** ntau kawg noj ib zaug ib leeg tsis muaj tus saib nyob rau ib lis piam. Qhov no feem ntau yuav yog noj rau hnuv Sunday. Yog tias qhov chaw kho mob qheb rau hnuv Sunday, dhau ntawd yuav yog cov neeg tswj hwm qhov chaw kho mob ua tus xaiv.

Theem 2: **Thib Ob 30 (31-60 hnuv) ntawm kev kho:** ntau kawg noj ob zaug ib leeg tsis muaj tus saib nyob rau ib lis piam suav nrog qhov noj hnuv Sunday. Kev noj tshuaj ib leeg ob zaug tsis muaj tus saib yuav tsum tsis siv sib txuas zws mus. Yog tias qhov chaw kho mob qheb rau hnuv Sunday, ces thaum ntawd qhov lwm hnuv tsis sib txuas zws yuav tsum yuav yog cov neeg tswj hwm qhov chaw kho mob ua tus xaiv.

Theem 3: **Thib Peb 30 (61-90 hnuv) ntawm kev kho:** ntau kawg noj peb zaug ib leeg tsis muaj tus saib nyob rau ib lis piam suav nrog qhov noj hnuv Sunday. Kev noj tshuaj ib leeg peb zaug tsis muaj tus saib yuav tsum tsis siv sib txuas zws mus. Yog tias qhov chaw kho mob qheb rau hnuv Sunday, ces thaum ntawd qhov lwm hnuv tsis sib txuas tsum yuav yog cov neeg tswj hwm qhov chaw kho mob ua tus xaiv.

Theem 4: **Thib Plaub 30 (91-120 hnuv) ntawm kev kho mob:** ntau kawg noj plaub zaug ib leeg tsis muaj tus saib nyob rau ib lis piam suav nrog qhov noj hnuv Sunday. Yog tias chaw kho mob qhib rau hnuv Sunday, ces thaum ntawv ib hnuv tom ntej siv tau yuav yog cov neeg tswj hwm qhov chaw kho mob ua tus xaiv.

Theem 5: **Thib Tsib 30 hnuv – 1 xyoos ntawm kev kho mob:** ntau kawg noj rau zaug ib leeg tsis muaj tus saib hauv ib lis piam.

Theem 6: **Ib xyoos hauv kev kho thiab dhau ntawd mus:** Ntau kawg noj 13 zaug ib leeg tsis muaj tus saib.

**\*\*Nco tseg:** Cov ua kom tau rau kev koom sib tham qhia tswv yim pab yuav txawv cov ua kom tau rau kev noj tshuaj. Koj yuav tau tuaj rau ntawm qhov chaw kho mob raws li tau hais kom tuaj rau kev sib tham qhia tswv yim pab, kev kho mob thiab lwm yam uas tau teem sij hawm tseg cia lawm.



## **Ntxiv Tshuaj Coj Mus Tom Tsev**

Coj tshuaj mus tom tsev yog muab raws li qhov chaw kho mob cov theem kho mob. Kev muab tshuaj ntau hwj ntxiv rau coj mus tsev yog rau tej qhov tshwj xeeb yog kev pom zoo los ntawm qhov chaw kho mob cov neeg ua hauj lwm txhawm rau qhov muaj cai ntiag tug uas mus raws li tus neeg mob li kev nce qib ntawm kev kho. **Cov kev thov coj tshuaj mus noj tom tsev yuav tsis tau txais kev pom zoo nyob rau ncuaj sij hawm thawj 90 hnub ntawm kev kho mob uas siv tshuaj txiav yeeb (methadone) los sis ncuaj sij hawm thawj 30 hnub ntawm kev kho mob uas siv tshuaj Suboxone (dhau cov sij hawm no lawm yog nyob rau hnub uas chaw kho mob kaw, xws li hnub Sunday thiab hnub so hauj lwm).** Tom qab thawj ncuaj sij hawm 90 los sis 30 hnub, kev coj tshuaj mus noj tom tsev tej zaum yuav tau thov.

Tag nrho cov kev thov coj tshuaj mus noj tom tsev, dhau li ntawm cov uas pom zoo los ntawm koj theem kho mob, yuav tsum yog tau txais lus tso cai los ntawm tus kws kho mob hauv qhov chaw kho mob, lub Xeev Cov Neeg Tswj Hwm Kev Kho Mob Opioid thiab Tuam Tsev Kho Neeg Vwm Kuab Tshuaj Muaj Yees (the State Opioid Treatment Authority and the Center for Substance Abuse Treatment). Cov kev thov coj tshuaj mus noj tom tsev yuav tsum tau ua nrog koj tus kws pab sab laj tswv yim lub sij hawm koj ntsib nws rau kev pab qhia tswv yim raws li tau teem cia. Tas nrho cov kev thov yuav tsum xa mus rau koj tus kws pab sab laj tswv yim **tsawg kawg ob lim piam ua ntej** hnub uas xav tau cov tshuaj. Yog tsis muab sij hawm txaus tsim nyog yuav ua rau tsis tau txais lus tso cai coj tshuaj mus noj tom tsev.

## **Cov Hwj Qhuav Nqa Tshuaj Mus Tom Tsev**

Tas nrho cov neeg mob uas tau txais tshuaj mus noj tom tsev yuav tau nqa **koj cov hwj ntim tshuaj qub uas tau muab** rov qab tuaj (nrog cov ntawv lo rau ntawd kom nyob li qub tsis muaj txawv txav dab tsi) rau ntawm lub qhov rai muab tshuaj thaum koj rov qab tuaj ntsib qhov chaw kho mob. Cov ntawv lo rau ntawd yuav tsum tsis ua li cas thiab tsis txawv txav dab tsi. Yog koj nqa tsis tau cov hwj rov qab nrog rau cov ntawv lo nyob twj ywm ntawd thiab tsis txawv txav, koj yuav poob cai tam sim ntawd ntawm kev coj tshuaj mus tsev.

Cov hwj tawg lawm yuav tsum hais qhia tam sid rau qhov chaw kho mob paub. Koj yuav tau nqa txhua daim txhais lam hwj, nrog cov hwj muaj cov ntawv lo tsis txawv txav, los ua pov thawj rau qhov tawg.

**NCO TSEG:** Qhov rov muab cai coj tshuaj mus tom tsev tshwm sim los ntawm muab cov hwj coj tshuaj mus tom tsev ua ploj los sis coj cov hwj uas muaj kev hloov kho cov ntawv lo yuav raug txiav txim los ntawm pawg neeg kho mob hauv qhov chaw kho mob.

## **Chaw Khaws Cov Tshuaj Coj Mus Tom Tsev**

Ua ntej txais tshuaj coj mus tom tsev, koj tus kws pab sab laj tswv yim yuav qhia rau koj txog txoj cai thiab kev nyab xeeb tsis muaj dab tsi ntawm qhov coj tshuaj mus tom tsev. Txhua tus neeg muaj lub luag hauj lwm txog kev khaws tshuaj cia kom muaj kev nyab xeeb tsis raug dab tsi ntawm kev coj tshuaj mus tom tsev uas yog tshuaj txiav yeeb (methadone) thiab/los sis lwm yam tshuaj kho kuab tshuaj muaj yees. Cov tshuaj no yog muab rau koj thiab koj qhov kev mob nkeeg nkaus xwb. **YUAV TSUM KHAWS NWS CIA RAU QHOV ME NYUAM NCAV TSIS CUAG.**

Txhua qhov tshuaj twg uas coj mus tom tsev yuav tsum khaws cia kom zoo muab xauv cia rau hauv ib lub thawv uas muaj chaw xauv thiab khaws cia rau qhov chaw uas tsis yooj yim rau lwm tus neav tau. Yog tias koj khaws tshuaj txiav yeeb (methadone) cia rau hauv lub tsee txias, nws yuav tsum muab xauv rau hauv lub me nyuam thawv uas muaj chaw xauv txhua lub sij hawm nyob hauv lub

txee txias. Thov khaws tus yaum sij los sis tus lej qhib lub thawv rau tej qho ruaj chaw, nyob tsis ncaj ke.

### **Ua Ploj los sis Muaj Neeg Nyiag Cov Tshuaj Coj Mus Tom Tsev**

Yuav tsis muab qhov tshiab los hloov qhov tshuaj txiav yeeb (methadone) uas ploj qhov kom noj ib zaug lawm. Ploj ntau cov tshuaj uas kom noj ntau zaus hauv tsev kuj yuav muab cov tshiab los hloov raws li tus kws kho mob pom zoo. Yog tias cov tshuaj coj mus tsev ploj lawm los sis raug nyiag lawm, txoj cai ntiag tug coj tshuaj mus tsev yuav muab ncaj cia kom txog rau thaum qhov chaw kho mob cov neeg ua hauj lwm tau ntsib nrog koj thiab muaj ib lub rooj sib tham los ntawm pawg neeg muab kev kho mob. Tsuas yog tom qab lub rooj sib tham ntawm pawg neeg muab kev kho mob uas yuav muaj qhov txiav txim zaum kawg pub txoj cai ntiag tug nqa tshuaj mus tsev yav tom ntej.

## **V. POJ NIAM MUAJ ME NYUAM THIAB TSHUAJ TXIAV YEEB (METHADONE)**

### **Poj Niam Muaj Me Nyuam**

Hom tshuaj txiav yeeb (methadone) tej zaum yuav ua rau ib tug poj niam lub caij cev ntas puag ncig pauv, tab sis nws lub cev tseem xeeb muaj me nyuam tau. Nws yog ib qho xav qhia kom meej tias ib tug poj niam tsis txhob pub muaj me nyuam thaum tseem nyob rau kev kho thiab siv tshuaj txiav yeeb (methadone), Suboxone los yog Vivitrol.

Yog tias koj muaj me nyuam los sis cev xeeb tub thaum sij hawm kho, nws yog ib qho tseem ceeb uas koj ceeb toom qhia rau chaw kho mob cov neeg saib xyuas neeg mob, kws kho mob los sis koj tus kws pab sab laj tswv yim paub. Ib qho ntxiv, yuav tau hais rau koj tus me nyuam hauv plab tus kws kho mob paub tias koj nyob rau hauv qhov chaw kho uas siv tshuaj txiav yeeb (methadone) li no txoj kev koom tes saib xyuas kho koj thiaj yuav tshwm sim tau.

Kev ua hauj lwm ntawm poj niam lub cev nws txawv nyob rau ncaj sij hawm muaj me nyuam hauv plab thiab muaj kev txawv txav txog cov tshuaj ua hauj lwm li cas hauv lub cev. Siv tshuaj muaj yees txhaum cai mus ntxiv thaum muaj me nyuam hauv plab yuav muaj teeb meem hnyav rau txoj kev noj qab haus huv, nrog rau txoj kev tuag, rau koj thiab koj tus me nyuam hauv plab. Kev siv tshuaj muaj yees txhaum cai mus ntxiv thaum koj cev xeeb muaj me nyuam tej zaum yuav muab qhia rau Cov Kev Pab Tiv Thaiv Me Nyuam (Child Protective Services).

Kev siv tshuaj txiav yeeb kho yog tus qauv ib txwm siv pab kho cov poj niam muaj me nyuam uas quav yeeb tshuaj dawb (heroin) los sis tshuaj muaj yees los ntawm yaj yeeb. Tau muaj coob leej ntau tus poj niam uas tau yug lawv cov me nyuam mus zoo kawg thaum lub sij hawm siv tshuaj txiav yeeb (methadone). Maj mam siv tsawg zuj zus los sis tseg tsis siv tshuaj txiav yeeb (methadone) yog qhov **tsis xav kom ua** nyob rau thawj 3 lub hlis xeeb muaj me nyuam vim tias yuav ua tau rau nchuav me nyuam los sis lub sij hawm ntu thib peb ntawm 3 lub hlis vim yuav ua tau rau xub yug tus me nyuam ua ntej txog caij.

### **Cov Txiaj Ntsig Tau Los ntawm Kev Siv Tshuaj Txiaiv Yeeb (Methadone) Kho Mob nyob rau ncaj sij hawm Muaj Me Nyuam**

Teb Chaws Chaw Ua Hauj Lwm Txiaiv Tshuaj Muaj Yees (The National Institute on Drug Abuse, NIDA) piav txog cov teeb meem ntawm yeeb dawb (heroin) los sis tshuaj muaj yees los ntawm yaj yeeb thiab siv tshuaj txiav yeeb (methadone) los kho cov poj niam muaj me nyuam:

Siv yeeb dawb (Heroin) los sis tshuaj muaj yees ua los ntawm yaj yeeb nyob rau lub sij hawm muaj me nyuam thiab lwm yam teeb meem ntxiv (xws li, tsis muaj kev kho txaus lub sij hawm cev xeeb tub) ua rau muaj ntau yam xwm txheej tsis zoo tshwm sim tom xws li me nyuam yug los hnyav tsis txaus, uas yog ib teeb meem ua rau kev loj hlob mus qeeb. Siv tshuaj txiav yeeb (methadone) kho txuas nrog rau kev saib xyuas tus me nyuam nyob hauv plab thiab muab ib txoj kev kho zoo txwv tsis haus tshuaj muaj yees yuav pab daws tau ntau yam teeb meem tshwm sim rau niam thiab tus me nyuam uas muaj feem txuam nrog rau kev quav yeeb tshuaj dawb (heroin) es tsis kho.

**Cov txiaj ntsig tau los ntawm kev siv tshuaj txiav yeeb (methadone) sij hawm muaj me nyuam muaj xws li:**

- Pab rau leej niam kom dim ntawm kev quav tshuaj muaj yees, dhau los mus muaj lub dag zog zoo dua qub
- Kho tus me nyuam hauv plab kom zoo dua qub
- Txo cov kev nchuav me nyuam kom tsawg
- Pab tus me nyuam hauv plab kom loj hlob

**Me Nyuam Mos Mob Tsis Xav Noj Dab Tsi (Neonatal Abstinence Syndrome)**

Me nyuam mos mob tsis xav noj dab tsi (neonatal abstinence syndrome, NAS) yog lo lus siv los piav txog cov teeb meem uas tshwm sim rau cov me nyuam yug tshiab uas raug cov tshuaj kho kuab tshuaj muaj yees (los sis tshuaj txhaum cai) thaum leej niam suab tus me nyuam.

Tshuaj txiav yeeb (methadone), zoo ib yam li lwm yam tshuaj, hla ntawm lub tsev me nyuam – qhov khoom uas txuas tus me nyuam rau leej niam hauv plab – thiab mus txog rau tus me nyuam. Tus me nyuam yuav quav cov tshuaj muaj yees ua ke nrog leej niam. Thaum yug los, tus me nyuam tseem tshuav cov tshuaj txiav yeeb (methadone) nyob hauv lub cev. Vim tus me nyuam tsis tau txais tshuaj txiav yeeb ntxiv lawm (los sis cov tshuaj muaj yees txhaum cai) tom qab yug los, cov tsos mob huam yeeb tshuaj yuav tshwm tuaj.

NAS cov tsos mob yuav pib li 1-3 hnuv tom qab yug los tab siv raws li keev pom los mas yuav siv sij hawm li 5-10 hnuv mam tshwm. Lawv yuav muaj xws li:

Xoo pob liab rau tawv nqaij (pob txaij)	Phob vog	Tsis zoo siab
Raws plab	Muab khoom noj tsis txaus	Ua pa ceev
Quaj taug los sis quaj nrov dhau	Qaug dab peg	Teeb meem pw tsis taus
Noj niam mis mus ntev	Muaj cheeb thawj qeeb	Txhaws ntswg, txham
Mob khaub thuas	Tawm hws	Tshee (ua daus no)
Txob taus	Ntuav	
Ib ce phob vog		

**Kev Kho Me Nyuam Mos Liab**

Kev kho yog nyob rau ntawm tus me nyuam kev noj qab haus huv thiab seb tus me nyuam yug raws caij nyoog los sis xub yug ua ntej.

Pab neeg muab kev saib xyuas noj qab haus huv hauv tsev kho mob yuav ua tib zoo saib xyuas tus me nyuam kom pom cov cim qhia txog huam yeeb tshuaj, teeb meem kev noj, thiab muaj ceeb thawj tuaj. Cov me nyuam mos uas ntuav los sis tus uas tsis muaj dej ntau hauv lub cev yuav tau muab dej rau raws cov hlab ntsha (leeg ntshav). Yog koj tawm hauv tsev kho mob los mus lawm es

koj tus me nyuam pib pom muaj cov cim huam yeeb tshuaj raws li tau hais los saum toj saud, nws yog ib qho tseem ceeb tias koj hu rau koj tus kws kho mob tam sid.

Qee tus me nyuam yuav tau muab tshuaj los kho tshem tawm cov kuab tshuaj. Kws kho mob yuav sau ntawv yuav tshuaj rau cov me nyuam mos liab uas cov tshuaj zoo sib xws li cov uas leej niam siv nyob rau ncuaj sij hawm muaj me nyuam hauv plab thiab maj mam txo qis cov tshuaj nyob rau lub sij hawm dhau mus. Qhov no yuav pab rau me nyuam mos dim ntawm cov kuab tshuaj muaj yees thiab pab rau ib cov tsos mob kom sib tuaj.

Cov me nyuam mos liab uas muaj mob NAS feem ntau yog txob taus thiab ntxias kom ntsiag nyuaj. Cov tswv yim qhia ntxias cov me nyuam mos yog ua raws li hauv qab no:

- Ua tib zoo maj mam muab me nyuam yoj mus los
- Ua kom txhob muaj dab tsis nrov dhau thiab txhob taws teeb ci heev
- Muab tus me nyuam mos pw qhwv rau hauv ib daim pam

Cov me nyuam mos uas muaj tus xwm txheej zoo li no feem ntau noj tsis txaus. Cov me nyuam no yuav xav noj:

- Cov mis formula uas muaj txiaj ntsig rau kev txhawb lub dag zog tau zoo dua
- Muab me me rau noj tab sis nquag ib sij muab ib zaug

Nws yog qhov tseem ceeb uas koj yuav tau nrhiav kev pab txhawb thiab kev qhia paub ntawm cov ua hauj lwm kho mob hauv chaw kho mob muab tshuaj txiav yeeb (methadone) thiab hauv tsev kho mob uas koj tau koj tus me nyuam .

## **VI. KEV KHO TIAV THIAB ROV ZOO LOS LI QUB**

Ib lo lus nug tseem ceeb uas ib tus neeg mob yuav nug nws tus kheej yog, “Thaum twg kuv thiaj ua tau qhov maj mam siv tshuaj kho kom tsawg zuj zus?” Maj mam siv tshuaj txiav yeeb (methadone), Suboxone los sis Vivitrol tsawg zuj zus thiab tawm ntawm kev kho mob mus kuj yogi b qhov kev xav txaus ntshai. Ntau tus neeg mob tau hais tias lawv xav hais tias ntshe lawv yuav tau noj tshuaj mus li.

Kev tshawb fawb qhia pom tias cov neeg mob feem ntau uas quav tshuaj opioid maj mam sim siv tshuaj tsawg zuj zus ib los sis ob zaug tom qab mus txog qhov rov nyob tus yees tuaj. Nrog rau muaj kev txhawb nqa thiab kev txawj, ntau tus neeg ua tiav hauv kev thum tsis siv tshuaj opioid uas tsis tau siv tshuaj kho nyob rau ntau xyoo, los sis tag ib sim, tab sis kev tshawb fawb tau qhia pom qhov rov qab mus siv tshuaj muaj yees ntxiv kuj muaj tau thiab. (Condelli and Dunteman 1993; Hubbard et al. 1989, Kreek 1987)

Nws yog ib qho tseem ceeb uas qhov kev txiav txim siab maj mam siv tshuaj kho opioid tsawg zuj zus ua mus raws li kev nkag siab tias yeej muaj feem xyuam rov qab haus tshuaj muaj yees li qub thiab qee qib ntawm kev tsis xis nyob yeej yuav muaj, txawm tias kev siv tshuaj tau maj mam txo qis zuj zus mus ntau lub hlis (Moolchan and Hoffman 1994).

Tsis tas li, nws yog ib qho tseem ceeb ib yam nkaus thiab kom paub txog koj li kev xav ua kom tau, ncu nte ntwam kev quav tshuaj, ncu nte ntwam kev tsum tsis siv tshuaj, kev maj mam siv tsawg zuj zus uas tau sim ua yav dhau los, tsev neeg kev koom nrog, kev ruaj khov thiab kev tawm ntwam cov hauj lwm ua nrog lwm tus neeg siv tshuaj muaj yees.

Thaum koj xav tias yuav tawm ntwam kev kho mus, nws yog qhov zoo tshuaj plaws yog tias koj maj mam siv tshuaj kho tsawg zuj zus nyob hauv kev saib xyuas ntwam kev qhia tawm siv tshuaj (medically supervised withdrawal (MSW)). Nws yog qhov maj mam txo qis ib qib zuj zus thiab tso tseg kev siv tshuaj kho nyob rau ncu sij hawm siv tshuaj kho opioid. Nyob rau sij hawm maj mam siv tsawg zuj zus los sis MSW, koj yuav tau ntsib koj tus kws pab sab laj tswv yim txuas ntxiv mus thiab tham nrog nws seb koj nyob li cas thaum tab tom maj mam siv tshuaj tsawg zuj zus. Ib qho teeb meem, xws li nqhis los sis xav rov qab haus, yuav tsum coj mus piav qhia rau tus kws pab sab laj tswv yim paub. Qee zaum yuav tau maj mam txo qis tsawg zuj zus mus qeeb me ntsis; lwm cov sij hawm yuav tau paub ntau yam ntxiv los yog tau kev pab ntxiv hauv tus neeg mob lub neej.

Nco ntsoov, txhua tus neeg li kev kho mob thiab kev rov zoo los li qub nws sib txawv. Nws yog ib txoj kev taug uas yuav tau qhuas thiab zoo siab rau yam ua tau thiab cov ua tsis tau yog ib cov kev kawm kom paub ntxiv.

### **Kev Saib Xyuas Tom Qab Kev Kho**

Tom qab koj tau ua tiav kev kho ntwam chaw kho mob lawm, koj yuav ntseeg tsis tshua tau tias yuav ua dab tsi ntxiv tom ntej. Qhov no tej zaum yog thawj zaug uas koj tau ua tiav kev kho mob. Koj kuj tseem swm rau tej txheej txheem hauj lwm uas qhov chaw kho mob tau muab pab rau koj. Ntau leej neeg ntshai tsam rov qab haus tshuaj muaj yees ntxiv tom qab lawv tawm ntwam kev kho mus.

Nws yog ib qho tseem ceeb uas koj tham txog qhov uas koj ntshai thiab tsis paub meej txog kev tawm ntwam kev kho mus nrog koj tus kws pab saj laj tswv yim raws li koj tau npaj tseg. Tsis tas li xwb, koj tus kws pab sab laj tswv yim yuav pab koj nrhiav cov chaw muaj kev pab hauv zej zos uas yuav pab tau koj hauv txoj kev ua kom rov zoo los li qub ntxiv mus, xws li qhov kev pab cuam 12 Kauj Ruam ib yam li Kev Haus Tshuaj Tsis Qhia Npe (Narcotics Anonymous, NA) los sis Haus Cawv Tsis Qhia Npe (Alcoholics Anonymous, AA) los yog mus kho tsis pw.

Muaj neeg pab koj hauv kev kho kom rov zoo li qub yog ib qho tseem ceeb heev. Nws yog qhov tseem ceeb kom tso siab rau koj cov neeg pab thiab txoj kev xyaum ua yam uas koj tau kawm hauv kev kho.

## **VII. KEV TSWJ HWM**

### **A. Cov Ntawv Sau Txog Neeg Mob Uas Tsis Pub Leej Twg Paub**

Xeev thiab tseem hwm tsab cai lij choj thiab cov kev cai pov thaiv cov ntawv sau txog neeg mob tsis pub leej twg paub uas qhov chaw kho mob tuav tswj cia. Qhov no txhais tau tias cov neeg ua hauj lwm hauv qhov chaw kho mob yuav tsis nthuav tawm cov ntaub ntawv sau los sis cov ntaub ntawv hais txog cov neeg mob rau lwm tus neeg sab nraud ntwam chaw kho mob **TSHWJ TIAS**:

1. Tus neeg mob tau sau ntawv tso cai. Cov foos tso cai yuav muab tau ntwam cov neeg ua hauj lwm hauv qhov chaw kho mob.

2. Tus neeg mob qhia tawm txog kev tsim txom tsis saib xyuas me nyuam los sis cov muaj hnuv nyoog, LOS SIS cov neeg ua hauj lwm hauv qhov chaw kho mob pom tias tsam lam muaj kev tsim txom tsis saib xyuas me nyuam los sis cov muaj hnuv nyoog.
3. Tus neeg mob yuav tua tau lwm tus neeg los sis tua tau nws tus kheej.
4. Tus neeg mob ua txhaum cai rau ntawm qhov chaw kho mob los sis rau ib tus (cov) neeg uas ua hauj lwm rau qhov chaw kho mob los sis muaj kev tso hem thawj tias yuav ua tej yam txhaum cai li ntawd.
5. Qhov nthuav tawm tau txais lus tso cai los ntawm kws txiav txim plaub ntug.
6. Qhov nthuav tawm yog txhawm rau pov thaiv coob tus neeg rau npe rau kev siv tshuaj txiav yeeb (methadone) kho.
7. Qhov nthuav tawm yog muab rau cov neeg ua hauj lwm kho mob hauv ib qhov kev kho mob kub ceev (emergency) los yog muab rau cov neeg ua hauj lwm paub txuj ci rau kev tshawb fawb, kev tshuaj xyuas, los sis cov txheej txheem ntsuas txog kev pab.

Kev ua txhaum tseem hwm tsab cai lij choj los ntawm qhov chaw kho mob yog ib qho kev txhaum loj. Yog paub tias tsam lam muaj qhov ua txhaum yuav tau thoob xo mus rau cov tuav hauj lwm uas tsim nyog raws li tseem hwm cov kev cai.

Wisconsin cov cai lij choj muaj kev pov thaiv ntxiv tsis pub leej twg paub cov ntaub ntawv kuaj pom kab mob HIV. Yog tias yuav muab cov ntaub ntawv nthuav tawm, yuav tau muaj ib daim ntawv tso cai ua ntej qhov muab nthuav tawm.

## **B. Neeg Mob Cov Cai**

Koj cov cai uas tuaj koom rau hauv qhov kev kho no tau muab dai rau hauv ib qhov chaw nruab nrab thiab pom tau tseeb hauv qhov chaw kho mob, feem ntau yog nyob rau ntawm chav neeg mus los. Nws tseem muaj ib tus kws paub txog neeg mob cov cai (client rights specialist, CRS) ua hauj lwm nyob rau hauv txhua qhov chaw kho mob. Cov neeg feem ntau yuav xub tham nrog lawv tus kws pab tswv yim txog lawv tej kev txhawj xeeb xwv kom pab daws lawv cov kev txhawj xeeb ntawd. Tab sis li cas los, yog koj twb ua li ntawd lawm LOS YOG yog tias koj xav pib ua daim ntawv tsis txaus siab es tsis tas xub tham nrog koj tus kws pab tswv yim, koj muaj cai ua li ntawd tau. Ntawm no yog cov kauj ruam rau koj siv:

1. Sau koj cov lus tsis txaus siab rau ib daim ntawv thiab teev npe rau tus kws paub txog neeg mob cov cai/tus neeg ua hauj lwm nyob hauv qhov chaw kho mob uas koj mus kho mob tsis pub dhau 45 hnuv suav txij hnuv muaj qhov xwm txheej.
2. Koj yuav tau txais ib tsab ntawv tuaj teb koj tsis pub dhau 30 hnuv. Yog koj tsis hnov dab tsi tuaj hais qhia koj li 30 hnuv, koj hu tau rau qhov chaw kho mob los yog hu rau Xeev Wisconsin Qhov Chaw Ua Hauj Lwm Rau Neeg Mob Cov Cai (State of Wisconsin Client Rights Office) ntawm 608-266-9369 los yog 608-266-3102.
3. Yog koj tsis pom zoo raws li qhov tau sib hais los, koj ua ntawv tau mus rau tus tswj qhov chaw (facility director) kom muab qhov tau txiav txim los hais dua.
4. Yog qhov no tseem daws tsis tau qhov teeb meem thiab, koj hu rau Xeev Wisconsin Qhov Chaw Ua Hauj Lwm Rau Neeg Mob Cov Cai (State of Wisconsin Client Rights Office) ntawm 608-266-9369 los yog 608-266-3102.

Yog xav paub ntxiv thov mus saib State of Wisconsin Client Rights Office web page nyob ntawm: <http://www.dhs.wisconsin.gov/clientrights/>

**Thov nco cia tus tus txheej txheem sib hais no yuav tsis lav tias koj yuav tau txais kev kho mob mus ntxiv los yog rov qab muab kev kho mob rau koj yog koj tau raug muab tshem tawm hauv kev kho mus lawm.**

### **C. Tsis Muaj Kev Cais Neeg Tsis Raws Cai**

Qhov chaw kho mob uas koj muaj npe nyob hauv kev kho yuav tuav tswj cov cai tsis pub cais neeg tsis raws cai lub sij pub pw hauv chaw kho mob, cuag tau qhov chaw kho thiab tau txais kev kho ntawm qhov chaw kho tej kev pab thiab hauj lwm ua ub no. Yog koj xav tias koj cov cai tau raug rhuav tshem, koj tuaj yeem tham tau nrog koj tus kws pab saj laj tswv yim, qhov chaw kuaj mob tus thawj coj los sis tus kws paub txog neeg mob cov cai.

### **D. Cov Cai Lij Choj, Cov Kev Cai Thiab Kab Ke**

Qhov chaw kho mob uas koj muaj npe nyob hauv yuav tuav tswj kom ua tau raws li tseem fwm teb chaws thiab tseem fwm xeev cov cai lij choj uas qhia txog cov qauv ntawm kev saib xyuas thiab cai ntiag tug muab rau cov neeg mob uas ua tau raws li qeev cov qauv ntsuas kom ua. Cov muaj cai kawg pub rau tus neeg kom tau txais "cov kev zam" rau cov kev cai no yog poob rau, tsis yog cov neeg ua hauj lwm hauv qhov chaw kho mob, tab sis yog cov neeg ua hauj lwm xaiv los ntawm tseem fwm teb chaws thiab tseem fwm xeev.

Ib tug neeg mob twg uas xav kom cia pw kho mob yuav tsum tso cai rau kho thiab tso cai muab tej ntaub ntawv qhia txog tus neeg mob tso tawm rau xeev rau lub hom phiaj tiv thaiv kev rau npe ob zaug hauv central registry kom tau txais kev pab. Cov foos ua tso cai no thiab lwm cov ntaub ntawv tseem ceeb yuav yog ib feem thaum koj ntsib sau npe rau kev pab.

### **E. Kev Coj Ua Ntawm Tus Kws Pab Sab Laj Tswv Yim**

Cov kev tsis txaus siab hais txog tus kws pab sab laj tswv yim (counselor) kev coj ua yuav tsum muab qhia ncaj qha mus rau:

Department of Safety and Professional Services  
Counselor Certification  
1400 E. Washington Avenue  
Madison, WI 53703  
608-266-2112

### **F. Kev Hloov Mus Rau Lwm Qhov Cov Txheej Txheem**

**Hloov Mus Rau Lwm Lub Xeev (Out-of-State Transfer):** Yuav tsum ceeb toom tsawg kawg ob lub hlis ua ntej los mus tshuaj xyuas kev hloov chaw mus rau lwm qhov chaw kho thiab kom ntseeg tau tias kev hloov chaw mus tau zoo. Coj tshuaj mus noj yuav muab rau lub sij hawm taug kev mus rau qhov chaw tshiab nkaus xwb.

**Hloov Chaw Hauv Lub Xeev (In-State Transfer):** Yuav tsum ceeb toom tsawg kawg 30 hnuv ua ntej los mus tshuaj xyuas kev hloov chaw mus rau lwm qhov chaw kho thiab kom ntseeg tau tias kev hloov chaw mus tau zoo.

### **G. Kev Mus Ncig Teb Chaws**

Thawj 90 hnuv ntawm kev kho yog lub sij hawm tseem ceeb uas cia rau koj yoog kom swm rau kev kho. Nws yog ib qho hais qhia tias cov kev npaj tawm rooj mus ncig lawm qhov muab nua mus lub sij hawm no. Yog tias qhov kev tawm rooj mus ncig ze rau koj txoj hauj lwm los sis muaj xwm txheej kub ntxhov, koj yuav tsum npaj rau kev noj tshuaj kom zoo (noj tshuaj nyob rau ntawm lwm

qhov chaw kho mob ib yam li yog ib tus qhua). **Raws li Wisconsin tsab cai lij choj DHS 75.15(11)1, coj tshuaj mus noj tom tsev (dhau ntawm cov hnub Sundays los sis cov hnub so hauj lwm) yuav tsis pom zoo nyob rau ncuaj sij hawm thawj 90 hnub ntawm kev kho mob.**

Thov nco tseg: Kev noj tshuaj kom zoo **yuav tsum** yog tsim tawm los ntawm koj tus neeg ua hauj lwm hauv chaw kho mob ua ntej koj tawm mus ncig.

Tom qab thawj 90 hnub ntawm kev kho mob, tus neeg mob muaj dag zog zoo uas ua tau raws kev tshuaj xyuas rau coj tshuaj mus noj tom tsev tej zaum kuj yuav thov tshuaj coj mus noj tom tsev ntau ntxiv rau lub sij hawm tawm mus ncig. Txawm li cas los, nws yog ib qho hais qhia tias koj tsis txhob mus yuav tej khoom npaj mus ncig li, xws li cov pib dav hlau, chav so los sis lwm yam khoom tau them nyiaj, kom txog rau thaum koj tau ua tiav koj cov sij hawm teem noj tshuaj nrog koj tus kws pab sab laj tswv yim. **Qhia rau koj tus kws pab sab laj tswv yim tsawg kawg ob lim piam ua ntej npaj kev tawm rooj mus ncig yog ib lub tswv yim xav kom ua.**

Nws yog lub luag hauj lwm ntawm tus neeg mob kom paub txog cov kev cai ntawm kev siv tshuaj txiav yeeb (methadone) rau kev tawm rooj mus ncig, tab sis tshwj xeeb yog koj mus rau txawv teb chaws.

Qhov chaw kho mob uas koj rau npe tuaj yeem muab kws kho mob ib daim ntawv sau tias koj mus ncig teb chaws muaj tshuaj txiav yeeb (methadone) nrog koj uas muaj ntaub ntawv kws kho mob. Ib qho ntxiv, nws yog ib qho tseem ceeb kom nqa koj daim ntawv hais txog koj tus kheej (identification card) uas qhov chaw kho mob muab thaum koj mus ncig.

## **H. Tsis Koom Kev Sib Tham**

Kom tau txais txiaj ntsig zoo los ntawm koj li kev kho mob, nws yog ib qho kev cia siab tias koj koom nrog tas nrho cov kev sib tham pab tswv yim thiab kev kho mob uas tau teem tseg, xws li tham txog kev noj tshuaj, kev sib tham pab tswv yim, rov ntsuam xyuas kev kho, rov ntsuam xyuas lub cev thiab siab ntsws thiab kev tshuaj xyuas lub cev txhua xyoo.

Yog tsis koom txog peb hnub sib law liag ntawm kev koom nrog hauv chaw kho mob yuav ua rau kev noj tshuaj niag hnub raug muab txo kom txog rau qib uas yog txiav txim los ntawm qhov chaw kho mob tus kws kho mob, raws li keev ua los mas yog rov qab mus rau qhov muab rau noj thaum nyuam qhuav pib.

Yog tias, tom qab tau txais kev tso cai coj tshuaj mus noj tom tsev, koj tsis koom nrog noj tshuaj nyob rau hnub tom ntej los sis lub sij hawm tau teem cia, koj cov kev tuaj koom hauv chaw kho mob yuav nce tuaj, thiab koj li cai ntiag tus coj tshuaj mus noj tom tsev tej zaum yuav muab tso tseg.

Yog tias koj tsis tuaj koom hauv chaw kho mob txog tsib hnub sib law liag, koj yuav raug muab tso tawm mus.

## **I. Raug Ntes**

Cov neeg mob uas raug ntes thiab raug muab kaw lub zos los sis lub nroog cov nkuaj kaw neeg yuav tsum tau hu mus rau qhov chaw kho mob tam sid. Cov nkuaj feem ntau yuav tsis tso cai noj tshuaj, thiab qhov chaw kho mob tsis muaj lub luag hauj lwm yuav kho cov neeg mob uas tseem tab tom raug kaw.



Cov neeg mob rau npe hauv ib qhov chaw kho mob siv tshuaj txiav yeeb (methadone) uas raug ntes ua ntej thiab tau **teem sij hawm** koj mus kaw rau ntawm xeev los sis tseem hmv ib qhov chaw yuav tsum hu rau qhov chaw kho mob tam sid. Yog tias ua tau, ib qho qhia kom tshem tawm txhawm rau rov zoo li qub yuav pib tau. Txawm li cas los, qhov no yuav tsum ua hauj lwm nrog cov neeg tuav cov hauj lwm no ua ntej hnub koj mus kaw.

#### **J. Pov Thawj rau Kev Rho Tawm ntawm Kev Kho/Tshem Tawm Yam Tsis Raws Siab Yeem**

Cov neeg mob uas raug muab tawm tab sis tsis yog tsaus siab tawm, tsis suav cov tsis them nqi kho mob, yuav muab ib daim ntawv ceeb toom rau nws. Cov ua zoo li no, tsab ntawv ceeb toom yuav sau tias yog vim li cas thiaj muab tawm thiab qhia txog qhov muaj txoj cai mus thov kom tsa ib lub rooj mloog kev ncaj ncees (fair hearing) tsis pub dhau 48 teev tom qab tau txais tsab ntawm ceeb toom txog kev tso tawm.

Cov cwj pwm hauv qab no yog cov pov thawj rau kev kho kom zoo thiab/los sis tshem tawm ntawm chaw kho mob:

1. Sib ntaus (physical violence) uas muaj koj thiab lwm tus tsis hais leej twg tsis hais nyob rau hauv qhov chaw kho mob los yog nyob ntawm qhov chaw kho mob thaj av uas muaj koj txuam rau hauv.
2. Rau npe nkag ntau dua ib qhov chaw kho mob.
3. Ua txhuam rau kev noj tshuaj, xws li muab cov tshuaj koj mus noj tom tsev ua ploj, muab koj cov tshuaj pub rau lwm tus, muab koj cov tshuaj muag, los sis ua ib qho twg rau kev rhuav tshem koj cov tshuaj uas tau sau ntawv tseg.
4. Muag los sis muaj tshuaj muaj yees nyob hauv chaw kho mob.
5. Haus tshuaj txhaum kev cai los sis qaug tshuaj txhaum kev cai.
6. Muaj cawv los sis tshuaj txhaum kev cai nyob hauv chaw kho mob.
7. Ua cov cuav los sis hloov kho cov kev kuaj tshuaj muaj yees, nrog rau nyiag muab cov zis tsis yog.
8. Ncig mus ncig los tsis tseg hauv chaw kho mob los sis chaw kho mob thaj av li yuav xav ua phem.
9. Tsis kam/tsis muaj peev xwm them cov nqi kho mob rau qhov chaw kho mob.
10. Ua tsis tau raws li kev kho cov cai kom ua, xws li koom nrog cov kev qhia pab tswv yim nrog pab pawg coob los sis koj ib leeg.
11. Ua tsis tau raws li qhov pub tuaj pw kho mob cov cai kom ua.

Yog koj raug muab tawm tsis yog siab yeem, tus txheej thxeem muab rho tawm yuav ua mus yam saib tau li ua rau ib tug tib neeg raws li tau txiav txim los ntawm tus kws kho mob, thiab yuav ua ntawv xa mus rau lum cov kev pab kho raws li DHS 75.15(10) (h).

#### **K. Xeev Siab / Mob**

Yog koj mloog zoo li xeev siab (mob rau koj lub plab) ua ntej los sis tom qab nqos tshuaj txiav yeeb (methadone), qhia rau ib tus neeg ua hauj lwm thiab nyob twj ywm rau hauv qhov chaw kho mob li 30 feeb. Yog koj ntuav tom qab noj koj qhov tshuaj, qhia rau ib tus neeg ua hauj lwm. Yog tias qhov no tshwm sim thaum nyob hauv qhov chaw kho mob, tsis txhob muab cov ntuav pov tseg vim tias tseem fvw teb chaws txoj cai xav tau hais kom ib tus neeg saib xyuas neeg mob tshuaj xyuas qhov ntuav thiab muab nws pov tseg. Nyob rau feem ntau, yuav **tsis** rov muab tshuaj rau ib tus neeg tom qab ntuav tas. Tus kws kho mob hauv qhov chaw kho mob yuav txiav txim yog tias yuav tau rov qab noj dua, thiab koj yuav tau mus tshuaj xyuas koj tus mob.

Yog koj nyob sab nraud thiab ntuav, qhia rau ib tus neeg ua hauj lwm uas yuav qhia koj seb yuav ua li cas thiab yog tias yog tias yuav tau rov qab noj dua.

## L. Kev Tswj Tus Mob

Mob yog ib qho uas ib txwm tshwm sim thiab, rau coob leej, nws yog ib feem ntawm kev ua neej nyob niaj hnuv. Thaum peb lub cev raug mob, mob rau lub cev los sis mob siab ntsws tswv yim kev xav, nws yuav ua rau mob ntev. Kev siv tshuaj muaj yees txhaum kev cai ua rau koj kom “txheeb tawm” los sis ua rau loog tsis hnov tus mob uas koj koj nrog koj los tau ntau xyoos. Yog li ntawd thaum koj tau txais kev tsis qaug tshuaj thiab pib rov zoo li qub, nws yog ib qho kheev ua rau hnov mob thawj zaug hauv lub sij hawm dhau los ntev. Nws muaj cuab kav ua rau mob dhau heev nyiaj tsis taus, thiab koj yuav xav ua ib yam dab tsis kom dim ntawm qhov mob.

Nws yog ib qho tseem ceeb rau koj nco tias koj tus kws pab sab laj tswv yim yuav pab tau koj ua kom hla dhau ntawm cov tsos mob mus. Muaj qhov mob tsis txhais tau tias yuav tsum tau nce ntxiv koj li kev siv tshuaj txiav yeeb. Koj tus kws pab sab laj tswv yim yuav tham qhov no rau tus kws kho mob hauv qhov chaw kho mob kom nrog txiav txim seb puas tsim nyog siv tshuaj ntau ntxiv.

**Thov nco tseg tias muaj ob hom ntawm kev mob lub cev uas yuav tsum tau mob siab rau. Yog koj twb tau mob dua los lawm\*\*, koj yuav tau raug xa mus rau koj thawj tus kws kho mob (primary physician) tshuaj xyuas. Cov hauv qab no yog lus piav me ntsis txog ntawm yuav ua li cas thaum koj hnov muaj qhov mob:**

**Mob Ceev/Mob Hnyav:** Qhov mob no yog cuam tshuam nrog kev kho, phais los sis mob hniav thiab feem ntau yuav pab muab tswj tau nrog cov tsis yog tshuaj muaj yees tshuaj tiv kom tus mob ntaug los sis tshuaj zoo sai opooid mob uas haum nrog cov tshuaj txiav yeeb (methadone). **Txhua zaus yuav tau tham nrog tus neeg ua hauj lwm kho mob hauv qhov chaw kho mob thiab koj tus kws kho mob txog qhov siv ib yam tshuaj ntxiv tsis hais tshuaj dab tsi.**

**Mob Tsis Txawj Zoo:** Xa mus rau Chaw Kho Mob Tau Zoo (Comprehensive Pain Center) yog ib qho uas tsim nyog. Tej zaum koj yuav haum rau cov kev kho xws li txheej txheem neuroablative, biofeedback, cog koob rau ib ce, siv yam kho neeg cov hlwb (psychotherapy), kho tswj tus cwj pwm thiab lwm yam txheej txheem uas tau siv nyob rau hauv chaw kho mob.

**\*\* Txhua zaus yuav tsum nrhiav kev kho sai sai yog tias koj hnov mob rau ntawm hauv siab (mob plawv nres), mob hauv qab lub plab mog sab xis (mob hnyuv tws) los sis loog lub ntsej muag los sis caj npab (hlab paj hlwb tawg ua rau tuag npab tuag ceg (stroke).**

## M. Ntawv Yuav Tshuaj

Qee cov neeg mob yuav siv cov tshuaj ua ntawv mus yuav ntxiv rau tshuaj txiav yeeb (methadone). Qhov no yuav ua rau txaus ntshai thiab ua rau siv tshuaj ntau dhau los sis ua lwm yam mob ceev. Cov neeg ua hauj lwm hauv qhov chaw kho mob qhov kev xav yog qhia kom paub txog kev sib cuam tshuam ntawm tshuaj txiav yeeb (methadone) thiab lwm yam tshuaj, xyuas cov kev kho kom ua hauj lwm ua ke thiab kom ntseeg tau tias tus neeg mob muaj kev nyab xeeb tsis raug dab tsi.

Tas nrho cov tshuaj uas tau sau ntawv yuav los ntawm cov kws kho mob sab nraud ntawm qhov chaw kho mob **YUAV TSUM** tau muab piav meej rau cov neeg ua hauj lwm hauv qhov chaw kho mob. Nws yog koj lub luag hauj lwm nqa ib daim qauv ntawm tas nrho cov ntawv yuav tshuaj tuaj rau tus kws saib xyuas mob ntawm qhov chaw kho mob sai li sai tau thaum koj tau txais daim ntawv yuav tshuaj. Yuav hu rau tus kws kho mob uas sau daim ntawv yuav tshuaj yog thaum cov neeg ua hauj lwm hauv qhov chaw kho mob pom tias tsim nyog yuav tau ua.

Cov tshuaj ua ntawv mus yuav kom tsaug zog, tsis hnov qab, tshuaj noj kom txhob mob thiab/los sis yam tshuaj ua kom zoo siab yuav tsum tau txais lus tso cai los ntawm tus kws kho mob hauv qhov chaw kho ua ntej tso. Ib yam tshuaj ua ntawv mus yuav tsis hais yam twg rau benzodiazepines, kho quav tshuaj vwm, tshuaj ua kom tsis hnov qab los yog kom tsaug zog yuav tsum muaj daim ntawv nrog, yuav tsum yog daim ntawv muaj tus kws kho mob qhov chaw ua hauj lwm lub npe (letterhead), kos npe rau thiab sau hnub tim, piav meej hais tias tus kws kho mob paub txog tus neeg mob muaj npe nyob hauv kev kho siv tshuaj txiav yeeb (methadone), Suboxone los sis Vivitrol.

#### **N. Yuav Ua Mob Tau Rau Daim Siab C/ HIV / AIDS Kev Tshuaj Xyuas**

Ntau tus neeg mob uas tuaj rau hauv chaw kho mob yuav tau pauv tus cwj pwm uas yuav ua rau lawv kis tau mob HIV los sis mob rau daim siab C. Qee cov cwj pwm no yog kev siv koob txhaj tshuaj ua ke, sib deev tsis rau hnab nrog coob leej ntau tus, los sis siv cov cuab yeej rhaub tshuaj ua ke.

Kev kawm thiab kev qhia pab tswv yim txog txo qis cov cwj pwm uas yuav kis tau mob yog ib feem ntawm kev kho mob uas yuav muaj mus tsis tu ncu. Yuav pab kom cov kev kawm thiab kev qhia pab tswv yim ua tau hauj lwm thiab pab tiv thaiv tej mob yuav kis tau, koj yuav tau tham tej kev ntxhov siab uas koj muaj tsis hais dab tsi nrog rau koj tus kws oab sab laj tswv yim. Yog tus kws pab sab laj tswv yim tsis muaj peev xwm teb tau koj cov lus nug, kuj yuav muab koj xa mus rau tej tus uas yuav teb tau koj cov lus nug.

Qhov chaw kho mob yuav muab rau koj cov npe uas mus kuaj es tsis qhia npe los sis tsis pub lwm tus paub rau kev kuaj pom kab mob HIV. Vim muaj cov tshuaj pab ncu qhov pib ntawm tus mob kom mus qeeb ntawm cov mob hnyav HIV rau cov neeg kis tau tus mob, koj kuj yuav tau xyiv fab kom tau txais qhov kev pab no.

## VIII. COV LUS KHEEV NUG

**Lus Nug:** Puas yog quav tshuaj txiav yeeb (methadone) tshaj yeeb dawb (heroin)?

**Lus Teb:** Tshuaj txiav yeeb (methadone) tsis quav tshaj yeeb dawb (heroin). Muaj ob yam quav tshuaj: ntawm lub cev thiab hauv lub siab ntsws tswv yim.

Hauv lub cev, nws tsis muaj dab tsi ntau. Yog koj tso tseg (thiab tsis nyob nrog) yeeb dawb (heroin), qhov tso tseg tau yuav nyuaj dua tab sis sij hawm yuav luv dua mus li ob peb hnuv yog koj tsum tsis siv tshuaj txiav yeeb (methadone). Hauv lub siab ntsws tswv yim (vim tias nws tsis zoo siab heev npaum li yeeb dawb (heroin), tib neeg yuav tsis nqhis tshuaj txiav yeeb (methadone) npaum li nqhis yeeb dawb (heroin).

**Lus Nug:** Tshuaj txiav yeeb (methadone) puas yuav ua rau kuv zoo siab?

**Lus Teb:** Yog tias koj nrhiav kom muaj qhov zoo siab, koj yuav tag kev cia siab rau tshua txiav yeeb (methadone). Thaum koj nyuam qhuav pib kho, koj yuav mloog zoo li tsaus muag los sis ncaws dab ntub nyob rau ob peb hnuv, tab sis koj yuav ua siab ntev tau rau cov kev tshwm sim no. Xav kom mloog “zoo li qub tsis txawv” thaum koj siv tshuaj txiav yeeb (methadone).

**Lus Nug:** Yuav muaj dab tsi yog kuv ncuu tsis tau noj tshuaj ib zaug? Kuv puas yuav muaj tus yam ntxwv tshem tawm kuab tshuaj?

**Lus Teb:** Yog tias koj ncuu tsis tau noj tshuaj ib zaug, TSIS TXHOB noj hnuv tom ntej los sis muab yeeb dawb (heroin) los sis lwm yam tshuaj muaj yees ntxiv rau. Tshuaj txiav yeeb (methadone) thiab Suboxone nws mus nyob rau hauv neeg lub cev. Qhov no ua rau maj mam tshem tawm, ceev qib ntawm cov ntshav cov tshuaj muaj zog nyob rau thaum noj. Tom qab koj pib niaj hnuv noj tshuaj nyob rau thawj lub lis piam, koj lub cev yuav tsum xoob dua, uas nws txhais tau tias kev koom nrog tsis hloov pauv qib ntawm cov ntshav ntawm tshuaj txiav yeeb (methadone) los sis Suboxone yav tsum tseem tshuav nyob rau hauv lub cev. Qhov no txhais tau tias koj yuav tsum tsis hnov tshem tawm kuab tshuaj rau qhov uas ncuu tsis tau noj tshuaj ib zaug.

**Lus Nug:** Kuv yuav nyob nrog tshuaj txiav yeeb (methadone) ntev npaum li cas?

**Lus Teb:** Vim tias kev kho quav tshuaj muaj yees yog nyob ntawm tus kheej ib leeg, cov kev txiav txim siab los mus tas qhov kho tshuaj txiav yeeb (methadone) yog nyob ntawm koj ib leeg. Cov neeg kho feem coob yuav tsis paub tseeb thiab ntshai thaum nyuam qhuav xav txog qhov maj mam siv tshuaj txiav yeeb tsawg zuj zus. Coob leej ntseeg tias “Yog tseem tsis tau puas, tsis txhob maj kho nws.” Tham nrog koj tus kws pab sab laj tswv yim thiab tus neeg saib xyuas hauv qhov chaw kho mob thaum koj txiav txim siab tias koj yuav tsum tsis haus tshuaj txiav yeeb (methadone). Ib tus neeg pab saib xyuas kev kho mob maj mam siv tsawg zuj zus yuav pab kom cov tso mob tshem tawm tsawg tuaj.

**Lus Nug:** Kuv puas yuav qhia kuv tus kws kho mob los sis kws kho hniav tias kuv siv tshuaj txiav yeeb (methadone), Suboxone los sis Vivitrol?

**Lus Teb:** Yog lawm! Qeev yam tshuaj yuav muaj qhov tshwm sim tsis zoo nrog tshuaj txiav yeeb (methadone), Suboxone los sis Vivitrol thiab tuaj yeem ua rau koj mob heev. Yog koj tus kws kho mob los sis kws kho hniav paub, lawv tuaj yeem paub tseeb tias yam tshuaj twg uas lawv sau ntawm mus yuav yuav tsis muaj qhov tsis zoo rau koj.

**Lus Nug:** Tshuaj txiav yeeb puas ua rau kuv cov hniav lwj?

**Lus Teb:** Tshuaj txiav yeeb tsis ua kom koj cov hniav puas. Txawm li cas los, tshuaj txiav yeeb, zoo ib yam li lwm yam tshuaj kho quav tshuaj muaj yees, yuav ua rau koj cov qaub ncaug maj mam tsawg zuj zus uas ib txwm yog cov los yang tu koj cov hniav tas hnuv. Haus dej ntxiv kom thawm hnuv yuav pab koj daws qhov teeb meem no.

**Lus Nug:** Tshuaj txiav yeeb (methadone) puas nkag rau hauv kuv cov pob txha thiab ua rau pob txha phom?

**Lus Teb:** Tshuaj txiav yeeb (methadone) tsis "nkag rau hauv cov pob txha" los sis hauv ib txoj hau kev ua qhov tsis zoo rau tib neeg cov pob txha. Txawm hais tias qee cov neeg mob siv tshuaj txiav yeeb (methadone) hais tias lawv mob ob sab caj npab thiab ob sab ceg, kev tsis xis nyob yog ib qho ib txwm muaj nyob rau thaum tab tom tshem tawm cov kuab tshuaj thiab yuav ua qhov yooj yim rau kev tswj kom haum rau cov tshuaj txiav yeeb (methadone).

**Lus Nug:** Tshuaj txiav yeeb (methadone) puas yuav ua rau kuv lub cev hnyav ntxiv tuaj?

**Lus Teb:** Tsis yog ua rau txhua tus lub cev hnyav tuaj thaum lawv siv tshuaj txiav yeeb (methadone), tab sis qee leej kuj ua rau hnyav tuaj. Qhov no feem ntau vim yog tshuaj txiav yeeb (methadone) hloov kho koj lub dag zog thiab kev nqhis khoom noj, yog li ntawd koj yuav noj ntau dua qub. Yog tias koj tau quav tshuaj muaj yees nyob rau lub sij hawm ntev, koj lub cev yuav hnyav tsis txaus thiab koj yuav tua nce qhov hnyav ob peb phaus (pounds) ntxiv.

Txawm hais tias haus tshuaj txiav yeeb (methadone) tsis "ua rau rog" li tej khoom noj qab zib thiab cov khoom noj rog, tshuaj txiav yeeb (methadone) tuaj yeem maj mam ua rau lub cev ua hauj lwm qeeb zuj zus thiab ua rau ceev cov dej cia, qhov no tuaj yeem ua rau koj lub cev hnyav ntxiv tuaj. Koj muaj cuab kav tswj kom tsis pub hnyav ntxiv uas yog xaiv cov zaub mov uas muaj txiaj ntsig zoo thiab tawm rooj tau yooj yim, xws li tag nrho cov khoom ua ntsiav, kua txiv ntoo thiab zaub, thiab kev tawm dag zog tag li. Yog tias koj tu koj lub cev, koj yuav ua tau kom lub cev tsis hnyav ntxiv, thiab qhov tseem ceeb, koj yuav mloog ib ce sib zoo.

**Lus Nug:** Ncaws tshuaj txiav yeeb (methadone) tawm nyuaj dua li ncaws tshuaj muaj yees tawm puas yog?

**Lus Teb:** Tsum tsis siv tshuaj txiav yeeb (methadone) yuav txawv dua li ncaws tshuaj yeeb dawb (heroin) tawm. Qee leej neeg saib zoo li nyuaj dua vim tias kev tshem tawm noj sij hawm ntev dua. Lwm tus neeg ho hais tias txawm tias nws siv sij hawm ntev dua los, nws yuav sib dua li tshem tawm yeeb dawb (heroin).

**Lus Nug:** Kev haus tshuaj txiav yeeb puas ua rau koj lub cev puas?

**Lus Teb:** Tib neeg twb siv tshuaj txiav yeeb (methadone) los lawm ntau tshaj li 30 xyoo, thiab tsis muaj ib qho pov thawj pom tias siv ntev mus yuav ua rau lub cev puas. Qee leej neeg muaj cov tshwm sim tsis zoo lwm yam los ntawm tshuaj txiav yeeb (methadone), xws li raws plab, hws tawm ntau, thiab qhov ncauj qhuav, tab sis cov no feem ntau kuj ploj thaum lub sij hawm dhau mus los sis nrog kev hloov pauv cov tshuaj. Lwm cov kev tshwm sim, xws li coj khaub ncaws tsis xwm yeem

thiab ua tsis taus txiv, tau hais qhia paub los ntawm qee tus neeg mob tab sis tsis tau qhia meej seb puas yog txuas rau kev siv tshuaj txiav yeeb (methadone).

**Lus Nug:** Tshuaj txiav yeeb ua rau koj lub cev puas ntau dua li yeeb dawb (heroin) puas yog?

**Lus Teb:** Tshuaj txiav yeeb tsis ua rau koj lub cev puas npaum li yeeb dawb. Tag nrho ob qho yeeb dawb (heroin) thiab tshuaj txiav yeeb (methadone) tsis muaj kuab lom, tiam sis tag nrho ob yam ua rau txaus ntshai yog tias siv ntau dhau--tab sis qhov no kuj muaj tseeb rau txhua yam txij ntawm tshuaj aspirin mus rau khoom noj. Tshuaj txiav yeeb (methadone) yuav muaj kev nyab xeeb dua li quav yeeb dawb (heroin) vim tias nws yog tshuaj raug cai thiab nws yog tshuaj noj ntawm ncauj mus. Cov tshuaj tom tej kev uas tsis muaj cai tswj feem ntau muaj ntau yam kuab tsim lub cev uas muab siv los “txiav” tshuaj. Tsis tas li, txoj kev txhaj cov tshuaj tom tej kev yuav ua rau koj kis tau cov mob xws li HIV thiab mob rau daim siab C.

**Lus Nug:** Tshuaj txiav yeeb puas tuaj yeem ua koj daim siab puas?

**Lus Teb:** Daim siab ua hauj lwm (zom thiab lim) tshuaj txiav yeeb (methadone), tab sis tshuaj txiav yeeb (methadone) tsis ua rau daim siab “puas”. Tshuaj txiav yeeb (methadone) qhov tseeb yuav yooj yim rau kev ua hauj lwm ntawm daim siab dua li lwm yam tshuaj. Cov neeg muaj mob rau daim siab los sis mob rau daim siab hnyav tuaj yeem haus cov tshuaj txiav yeeb tsis ua li cas. Vivitrol tuaj yeem ua kom koj daim siab puas yog tias tsis haus tsis raug, thiab cov neeg muaj mob rau daim siab los sis muaj teeb meem hauv lub cev yuav tsum tsis txhob siv tshuaj Vivitrol.

**Lus Nug:** Tshuaj txiav yeeb (methadone) rhuav tshem cov ntshav tiv thaiv kab mob hauv lub cev puas yog?

**Lus Teb:** Tshuaj txiav yeeb (methadone) tsis rhuav tshem cov ntshav tiv thaiv kab mob hauv lub cev. Qhov tseeb, ntau qhov kev tshawb fawb qhia tias cov neeg mob uas muaj kab mob HIV uas haus tshuaj txiav yeeb muaj lub dag zog zoo dua thiab hnuv nyoog ntev dua cov siv tshuaj lwm yam uas tsis yog tshuaj txiav yeeb (methadone).

**Lus Nug:** Tshuaj txiav yeeb (methadone) yuav ua rau kuv mus siv tshuaj muaj yees cocaine puas yog?

**Lus Teb:** Tshuaj txiav yeeb (methadone) tsis ua rau tib neeg quav tshuaj muaj yees cocaine. Ntau leej neeg uas pib siv cocaine ua ntej lawv pib siv tshuaj txiav yeeb (methadone) kho mob. Kev cia siab ntawm kev kho mob yog tias koj yuav tso tseg qhov siv txhua yam tshuaj txhaum cai.

**Lus Nug:** Kuv hnov tias siv tshuaj txiav yeeb (methadone) tsawg dua, yog qhov zoo dua.

**Lus Teb:** Cov neeg mob feem coob yuav xav kom siv li ntawm 60 thiab 120 milligrams ntawm cov tshuaj txiav yeeb (methadone) nyob rau ib hnuv los mus tso tseg qhov nqhis thiab huam yeeb hauv txoj kev quav yeeb dawb (heroin). Muaj qee cov neeg mob, txawm li cas los, yuav mloog ntxim rau 5 txog 10 milligrams; lwm tus yuav tsum yog ntau dua 120 milligrams hauv ib hnuv. Qhov chaw kho mob tus neeg kho mob yuav ua hauj lwm nrog koj ntawm qhov txiav txim muab qhov tshuaj noj kom haum zoo rau koj. Koj yuav tsum tsis txhob nyob li tsis hnov dab tsi los yog muaj teeb meem hnov tsis tsaug zog thaum lub sij hawm keev ua ub no txhua hnuv thaum noj koj cov tshuaj

raus li kom noj. Yog zoo li hais no, thov qhia rau cov neeg ua hauj lwm kom kho cov tshuaj koj noj seb yuav hloov noj li cas.

**Lus Nug:** Vim li cas kuv thiaj li yuav tau koom cov kev sib tham sab laj pab tswv yim?

**Lus Teb:** Noj tshuaj kho mob xws li tshuaj txiav yeeb (methadone) kho quav tshuaj muaj yees yuav ua rau lub cev tseg qhov nqhis thiab tshem tawm cov kuab tshuaj. Txawm li cas los, kev siv tshuaj tsuas yog ib feem me me ntawm kev kho xwb. Rau koj kom tswj tsis txhob vwm tshuaj thiab hloov txav mus rau qhov rov zoo los li qub, koj yuav tsum tau kawm cov hauv kev tshiab ntawm kev coj ua, daws cov teeb meem uas ua rau koj mus siv tshuaj thaum xub thawj thiab kawm kom paub cov hauv kev tshiab ntawm kev nyob tsis muaj tshuaj nrog.

**DAIM NTAWV NTXIV A**  
**COV LUS HAIS TXOG NEEG MOB COV CAI**

Kev kho tshuaj muaj yees uas koj tau rau npe txhawb nqa thiab pov thaiv qhov tseem ceeb ntawm tib neeg cov cai, cai zej zog pej xeeb neeg sawv daws, lub teb chaws cai lij choj thiab cov cai teev tseg ntawm txhua tus neeg mob. Koj muaj txoj cai los mus:

1. Tau txais kev kho yam tsis muaj qhov cais raws haiv neeg, kev ntseeg, poj niam txiv neej, pawg neeg me, hnuv nyoog los sis kev puas cev muaj mob xiam oob qhab.
2. Tau txais kev kho nyob rau hauv ib txoj kev uas lees paub koj tus kheej lub meej mom hauv tas nrho cov kev saib xyuas kho koj.
3. Tau kev pov thaiv koj cov ntaub ntawv sau cia uas zais tsis pub leej twg paub raws li tseem hwiw teb chaws thiab xeev cov cai hais tseg.
4. Thov tau lus pom los ntawm ib tus kws paub txog koj uas koj yog tus them tus nqi los sis thov tau cov neeg ua hauj lwm kom tshuaj xyuas koj cov phiaj xwm tswv yim npaj kho mob.
5. Tsis raug muab siv rau kev sim kawm (experimental) los sis cov txheej txheem uas tsis tau ua dua dhau los uas tsis tau tso cai.
6. Paub txog cov kev yuav ua mob tau tshwm sim lwm yam thiab cov txiaj ntsig yuav tau los ntawm tas nrho cov kev noj tshuaj thiab txheej txheem kev kho. Yog tias tsis tau piav cov no kom koj txaus siab, thov nug tus kws kho mob, kws saib xyuas neeg mob los sis koj tus kws pab sab laj tswv yim ntawm koj qhov chaw kho kom paub ntau ntxiv.
7. Kom qhia rau koj paub txog cov txheej txheem kho uas muaj ntxiv rau cov kev kho uas koj tau txais nyob rau niaj hnuv no.
8. Tsis kam lees koom nrog qhov hauj lwm kev tshawb fawb uas qhov tsis kam lees no yuav tsis ua kom muaj teeb meem dab tsi rau qhov kev kho zoo uas koj tau txais.
9. Tsis kam lees noj ib yam tshuaj ntxiv thiab cov txheej txheem kho ntxiv, kom nyob rau thaj tsam tau tso cai hauv kev cai lij choj.
10. Paub tias yog koj tsis kam lees noj tshuaj los sis kho mob, qhov chaw kho yuav tshem tawm nws cov kev ua hauj lwm ua ke nrog koj uas yog muab sij hawm txaus ceeb toom qhia rau koj paub.
11. Paub tus nqi ntawm kev kho koj thiab qhov chaw tau koj cov nyiaj los thiab kev siv nyiaj muaj cov kev txwv li cas (hu rau koj tus kws pab sab laj tswv yim tus yuav xa tau koj mus rau Chav Ua Hauj Lwm Saib Xyuas Nyiaj Txiag).
12. Paub txog vim li cas ho npaj hloov cov neeg ua hauj lwm ua muaj lub luag hauj lwm saib xyuas koj los yog npaj yuav hloov koj chaw tsis hais hloov chaw rau sab hauv los yog tawm sab nraud ntawm qhov chaw kho.
13. Pib ua tau ntawv los yog tus txheej txheem tsis txaus siab thiab tau ib lub rooj sib hais mloog kev ncaj ncees (hearing) los yog rov xyuas qhov koj tsis txaus saib. Cov foos siv rau kev tsis txaus siab muaj nyob rau ntawm txhua qhov chaw kho.
14. Koom rau hauv kev tsim kom tau koj daim phiaj xwm tswv yim npaj kho mob.
15. Koom rau hauv kev tsim kom tau koj ob daim phiaj xwm tswv yim muab koj tawm mus thiab thiab muab kev kho rau koj tom qab tawm mus lawm.
16. Saib tau koj cov ntaub ntawv sau txog kev kho koj tus mob raws li tau tso cai hauv Wisconsin Cov Lus Hais 51.30 (4)(d). Ib cov lus hais txog cov cai no muaj nyob rau hauv Daim Ntawv Ntxiv B, Nkag Mus Saib Tau Cov Ntawv Sau Tseg Kho Mob.



**DAIM NTAWV NTXIV B**  
**NKAG MUS SAIB TAU COV NTAWV SAU TSEG KHO MOB\***

Cov lus no muab los ntawm tsab cai Mental Health Act – Wisconsin Statute §51.30(4)(d)

(d) TUS KHEEJ NKAG SAIB NTAUB NTAWV SAU TSEG TAU:

1. Nkag mus saib tau cov ntawv sau txog kev kho mob los ntawm tus kheej lub sij hawm nws kho tej zaum yuav raug txwv los ntawm tus thawj koj hauv qhov chaw kho. Txawm li cas los, kev nkag mus saib yuav tsis muaj qhov tsis kam tsis hais lub sij hawm twg rau cov ntaub ntawv hais txog kev muab tshuaj noj thiab kho lub cev uas tus kheej tau txais.
2. Tus kheej yuav tsum muaj cai, tom qab tso tawm ntawm qhov chaw kho raws li § 51.35 (4), saib tau tas nrho cov ntaub ntawv hais txog kev muab tshuaj thiab kho lub cev uas tau sau muab tshuaj lub sij hawm pub nyob kho los sis cog lus kho thiab ib daim qauv ntawm daim ntawv sau txog qhov muab tawm hauv chaw kho mus uas tau sau thaum muab tus neeg mob tawm mus. Mam xyuas seb puas yuav kom them tus nqi luam cov ntaub ntawv no.
3. Ntxiv rau cov lus teev rau ntawm subd. 2, tus kheej yuav tsum, tom qab tso tawm mus lawm, yog tias tus kheej thov txog, nkag mus muab tau thiab muaj cai tau txais los ntawm qhov chaw kho ib daim qauv ntawm ib qho twg thiab tag nrho nws cov ntawv kho mob sau tseg cia. Mam xyuas seb puas yuav kom them tus nqi luam cov ntaub ntawv no. Tus thawj koj ntawm qhov chaw kho los sis tus ua hauj lwm sawv nws cev thiab tus kws muab kev kho muaj txoj cai nyob rau ntawd lub sij hawm muaj neeg tuaj saib cov ntaub ntawv khaws cia tsis hais cov sau txog dab tsi. Daim ntawv ceeb toom txog qhov tuaj saib cov ntaub ntawv yuav tsum muab rau tus thawj koj ntawm qhov chaw kho thiab tus kws muab kev kho tsawg kawg ib hnuv txwm nkaus tsis suav cov hnuv Saturdays, Sundays thiab hnuv so raws cai, ua ntej saib tau cov ntaub ntawv sau tseg. Cov ntawv sau tseg txog kev kho mob kuj yuav raug muab kho ua ntej tuaj saib txhawm rau pov thaiv tsis pub leej twg paub lwm tus neeg mob los sis cov npe ntawm lwm tus neeg uas tau hais nyob rau hauv qhov tau sau cia tus uas muab cov ntaub ntawv rau ntawm qhov xwm txheej uas tau piav txog nws tus kheej tsis pub leej twg paub. Tag nrho cov ntaub ntawv tej zaum yuav tsis muab khaws cia kom pov thaiv tau qhov tsis pub leej twg paub ntawd.
4. Thaum lub sij hawm tso tawm, tas nrho cov neeg yuav tsum tau txais kev ceeb toom qhia paub los ntawm tus thawj koj ntawm qhov chaw kho los sis tus sawv nws cev hais txog lawv cov cai raws li tau hais rau ntawm nqe lus no.

## PHAB KOS NPE

Thov tso koj li npe ntawv (initial) rau cov npe lus tseem ceeb no kom pom tias koj tau nyeem thiab nkag siab cov lus hais. Ib daim qauv ntawm qhov no yuav muab khaws cia rau hauv koj daim phiaj ntawv (chart).

Nyob rau hnuv rau npe nkag thawj hnuv, txhua tus neeg mob yuav kom kos npe rau ib daim foos muaj npe tias **Daim Ntawv Tso Cai Qhia Txog Rau Npe Ntau Qhov Chaw (Consent of Disclosure of Information Multiple Registration)**. Daim foos no yog tso cai muab koj cov ntaub ntawv coj mus tso rau hauv ib qhov chaw nruab nrab tso npe los mus pov thaiv kev tso npe rau ntau qhov chaw kho mob. Daim foos no yog yuav tsum tau ua thiab tsis kam kos npe rau daim foos no yuav ua rau tsis pub nyob kho mob.

\_\_\_\_\_  
Neeg Mob Cov Npe Ntawv

1. Txhua tus neeg mob kom muab nws lub muab npe, chaw nyob, thiab ntawv tso cai rau cov kev mob nkeeg los yog teeb meem kev xav cov kev pab uas taus txais sab nraud ntawm qhov chaw kho mob los. Koj yuav tsum qhia paub yog muaj qhov hloov ntawm qhov chaw nyob, npawb xov tooj thiab/los sis ntaub ntawv chaw nyob hu tau thaum muaj xwm kub ceev. Qhov no yuav ua rau qhov chaw kho tus neeg kho mob muaj peev xwm hu cov kws kho mob, kws kho hniav, thiab lwm cov neeg saib xyuas kev noj qab haus huv sib koom muab kev saib xyuas rau koj .

\_\_\_\_\_  
Neeg Mob Cov Npe Ntawv

2. Ncig mus ncig los hauv cov chaw kho mob li yuav nrhiav ua phem yog ib qho txwv tsis pub ua. **Tsis pauv qhov ncig mus ncig los yuav raug rau txim rau tsis tau txais kev kho mob.**

\_\_\_\_\_  
Neeg Mob Cov Npe Ntawv

3. Koj yuav hnov cov tsos mob tshem tawm thaum koj tsum thiab tseg siv tshuaj txiav yeeb (methadone) los yog Suboxone.

\_\_\_\_\_  
Neeg Mob Cov Npe Ntawv

4. Nws yog ib qho lees yuav tsis tau thiab yuav ua rau raug tawm ntawm kev kho mus yog koj nrhiav tshuaj txiav yeeb (methadone), Suboxone los sis Vivitrol ntxiv los ntawm lwm qhov chaw.

\_\_\_\_\_  
Neeg Mob Cov Npe Ntawv

5. Yog tias koj pw hauv tsev kho mob loj rau kev mob nkeeg, phais mob los sis teeb meem kev xav nyuaj siab, qhia rau tus kws kho mob tias koj siv tshuaj txiav yeeb (methadone). Tus kws kho mob yuav tsum tau hu tuaj rau qhov chaw kho li ntawv thiaj paub tias kauj ruam tom ntej yuav ua li cas kom koj thiaj tau siv tshuaj txiav yeeb txuas ntxiv thaum lub sij hawm pw hauv tsev kho mob loj.

\_\_\_\_\_  
Neeg Mob Cov Npe Ntawv

6. Tau txais kev siv tshuaj pab kho mob tsis yog ib txoj cai muaj los. Cov chaw kho mob muaj peev xwm rho koj tawm ntawm cov kev pab yog koj ua tsis tau raws li lawv cov kev kho mob.

---

Neeg Mob Cov Npe Ntawv

7. Ib yam tshuaj ua ntawv mus yuav tsis hais yam twg rau benzodiazepines, kho quav tshuaj vwm, tshuaj ua kom tsis hnov qab los yog kom tsaug zog yuav tsum muaj daim ntawv nrog, yuav tsum yog daim ntawv muaj tus kws kho mob qhov chaw ua hauj lwm lub npe (letterhead), kos npe rau thiab sau hnub tim, piav meej hais tias tus kws kho mob paub txog tus neeg mob muaj npe nyob hauv kev kho siv tshuaj txiav yeeb (methadone), Suboxone los sis Vivitrol.

---

Neeg Mob Cov Npe Ntawv